



天涯詩鈔卷三

浮淮藁

蔣 楛荆名氏著

丘如升旦菴氏選

斜川生歌爲百詩令子賦

巳酉

我來淮陰忽三春未嘗一刺輕投人卽今賢達半相識  
相思不用常相親竹巷南頭有閻子讀書萬卷邁等倫  
腹笥便便辨奇字博綜今古期彌綸自是君家富家學  
文章代代無不新君今趨庭方守身又看玉樹離風塵  
懸弧十度數甲子風氣先知席上珍正月五日是生日  
嘉茲令節斜川辰別添小字斜川生詔余作歌書諸紳  
斜川生斜川生良璧休誇十五城他年物色貢廊廟莫

忘江南一蔣生曾與而翁淮陰道上共班荆

正月晦日同湘草雲子粹修湘民泛舟黃家池子  
一園花鳥散朝曦山暖無人步履遲不覺新年當晦日  
忽逢舊雨汎春池歌從燕子樓頭聽酒倩漁童水上移  
歸路蒼茫煙景暮遠風輕逐醉顏吹

雪中野寺看西府海棠花

是年三月一日大雪

踏雪尋蘭若嫣然見海棠只疑高士臥誰識美人粧受  
凍偏含色乘春不帶香一枝清淨相持以禮空王

送友人探梅立墓

梅花三載別回首慕樵漁水宿春雲亂山行夜月虛好  
停新蠟展閒訪故人廬腸斷江南客看君解纜初

張虞山空東堂以舍我和見贈原韻

淮陰二月柳依依人似楊花又欲飛賴有蓬蒿張仲蔚  
肯開三徑待人歸春星

清明日同百詩湘草看桃花得園字

清明與客嘗異味岸幘隨人游北園野色隔雲幔亭晚

桃花夾水樵風翻若敖有鬼自求食綿土無田誰采蘩

紅板橋頭坐復醉天涯日落蕩春魂

是日先與虞山喫河鮑

家大人同兒子然明北上時初卜一廬在新城未

人本其定

一枝未雨棲初定五兩乘風去獨遙自是途窮垂定省  
非關親老愛飄飄執鞭猶恐癡兒懶觀闕惟期好友招

汗漫乾坤離別淚江湖不敢更成潮

暮秋相見暮春別三載瞻依祇一冬時命不當歡聚久  
人生真恨遠離重苦難菽水遙將父羞爲妻孥獨賃春  
矍鑠正饒游嶽興空囊那得酒千鍾

骨肉臨岐怨暮春煙花空惹淚痕新舉頭不見青山色  
滿眼長飛紫陌塵生計何如忙就道歸期無定益沾巾  
門前盡日風帆影魂斷東西南北人

醉歌行送閻百詩兼示傅青主趙交城天羽先生  
有客春宵飲我酒春星遠帶河橋柳深杯百勸不肯停  
爲言別離旦暮君知否予聞斯言醉忽醒眼前如對短  
長亭春光正好獨行役不念吳儂天涯芳草傷心青吳

儂潦倒何足數嗜酒疎頑直聾瞽那知棘闥鄉校待秋  
風早與賓興向西土鳴鞭遙指晉陽城甲第連天晉水  
清君今又是橫秋鶚一薦扶搖九萬程黃扉青瑣君恩  
舊淮海浮家又堂構高堂相敬髮未華烏衣膝下還爭  
秀歎君此行真神仙琴書劍珮鐵連錢功名富貴急須  
取不見吳儂今日受人憐昨夜醉君酒今日送君別楊  
花滿路晴飛雪歸尋高士傅之佗將子飄蕩從頭說久  
矣寒灰不復因人熱

傅之佗名山字青主太原高士

送倪天章出家雲游歌

名之煌臨清人

桃花殷紅柳條碧三月春風雪三尺

三月大雪

青絲白氈

紫袈裟驚看乃是臨淄客前朝落落公侯家意氣曠叩

聲聞籍少年詞賦起雲霄海嶽孤蹤遍游展故鄉廬墓  
異鄉園瀟灑何曾戀田宅淮陰往者逼催科興發東臯  
披襏襦輟耕隴上還徵歌歌成長嘯雙眸白余時傾蓋  
淮陰道廓落天涯望秋草鴻雁南飛不避人與君同是  
天涯好相逢幾度傾金罍一別招提跡便掃而今對面  
不堪論不酒不腥禮三寶憶余與君同年生解脫風塵  
一何早苦子飄蕩獨無期妻帑日夜催人老母喪未葬  
父離居百年那見長相保天時人事復如斯忍聽韶華  
就枯槁感君分我草堂貲何不策我離煩惱與君振衣  
濯足蓬瀛島

會稽金昊仍寄家松陵久客淮上今將攜家來淮

喜爲新句送之

卜築他鄉盡室遷勸君及早上春船紅亭雨歇楊花路  
綠野風翻燕子天簾卷新粧明一水鏡沉宿淚暗三年  
無知滿眼嬌兒女乍見猶疑最可憐

月夜憶家君

老親不管別離情纔返江南又北平今夜虛堂春月白  
孤帆應向月中行

有感柬友

君應知我素窮達總由天寧出織兒勝羞摩賈豎肩銅  
多難免臭灰死尚堪然上下千秋眼人生值幾錢

雨中過杜繹山園贈我三大笏作歌酬之

胸中舊是貧簞谷歲納江東萬竿竹三載徒深玉版思  
菱菁野菜空盈目繹山杜子本杜陵山藏修竹無人登  
驚見竹根添箇箇淋漓霧雨垂蒼藤主人留我幽軒坐  
把鍾呼童鋤餉我持歸勝得翠琅玕沽酒汲泉敲石火  
挑燈忽憶在吳淞醉裏還聞野寺鐘逆旅恐遭饕餮忌  
淮陰今日殺三龍

贈徐青瑞

六月寒生欲授衣雷聲殷殷雨霏霏可憐蔡順趨環塚  
誰識原思靜掩扉逆旅正逢茶竈冷良辰難覓羽觴飛  
知君最念劬勞日蕭寺禪燈共樂饑

八月八日贈虞山生日歌

憶昔丙午暮春成飄流流落轉漕不用萬斛之空舟舟  
居非水陸非屋雲中別鶴沙邊鷗故人指點始一見東  
關轉徙多離愁

施又王引見

九月九日招我登高會那知八

月八日已過懸弧五十秋冬來跋履春申園歲開丁未  
逾上元君思食魚武昌去八月八日留滯在湘沅余亦  
索屈陋巷爲學究悵望南風黃鶴岫秋深君始賦歸來  
臥病荒城閑白晝早暮尋君紅樹樓錦囊簇簇皆珠繡  
戊申三月喜君北堂七十春清歌妙舞綵衣新觴余卜  
夜歡無極屈指希君嶽降辰去年八月八日君在家長  
篇自序幾度客天涯余從市廛蚤盥漱到門猶未散朝  
霞袖中閩粵供清宴題在江東白紈扇

序述同丘陸二公宦游事厚

顏竟日醉淹留感君意氣能不倦今年容我廡下居秋  
光清迥似當初安心高臥不復辨色起靜聽堂前酒盃  
響動來徐徐余雖未赴晉陽幕不愁長鋏彈無魚已酉  
八月八君交五十三喜同兩度坐沉酣惟願千秋對月  
長相聚小山叢桂淮之南那管昔年移柳淒淒搖落向  
江潭

酬戴上子兼示嵇師巢

二月城南踏野蕪嵇康引入步兵厨初聞玉笛宜春院  
又見梨園不夜珠隨意壺觴兼六博關心賓客半三吳  
追歡達曙翻疑夢醉別郊原放白駒

中秋望月

廣庭先布席坐待月華來漸見臨粧閣懸知滿釣臺三  
搗秋草歇橫吹暮雲開歸路愁魚鑰頻呼菡萏杯

仲秋尋花米士上人方丈

地僻傲丹丘僧高易白頭露花隨意色風蝶滿身秋揮  
塵生飛動披圖得臥游不勞鐘磬響日涉一虛舟

送研菴上人歸故鄉

寒水多情不肯流西風吹起片帆愁無錢強索旗亭醉  
却累高僧破杖頭

暮秋同嶺南黎大行暨虞山湘草湘珮繹山山章

尋米士上人山房秋花

古寺荒城落木前秋花含露蝶棲煙偏來白社聞鐘客

爲問青山卓錫年香飯幾番供旅食緼袍無計避霜天  
清宵悔訂持螯約月裏拋師博醉眠

秋雨中青瑞齋秋海棠

雨深荒竹下憐殺海棠秋簾幙移初定胭脂濕正愁酒  
來花影動詩罷墨香浮應笑居廬客逢人白滿頭

十月十日同天放再彭婁東大宗集虞山紅樹樓

看紅葉

紅樹樓前把臂初誰知廡下是吾廬幾番飄蕩容高枕  
一樣窮愁好著書邀客爲憐霜葉落愛花肯放酒盃疎

自從預作重陽信兩月晴暉老碧虛

時予卽寓居齋東

樹老風霜曉夜斑那堪如雨落柴關手持客裏茱萸酒

心到江頭橘柚山觸處園林乘興入滿天鴻雁趁晴還

光陰如此消難得一日須偷半日閒

列坐南軒看晚峰霜林也愛日華濃一年悞閏將頒朔

十月成旬未立冬白雪和歌皆郢客青衫掩泣獨吳儂

醉歸廡下生涯盡徧向高賢乞賃春

是歲頒曆閏十二月至此月復改不

閏

初冬止園對酒大宗限園字

隔樹雲千頃推窗水一園夕陽當面落山鳥背人喧乍

把相逢酒都忘久別言舊游新穩坐風物更清暄

十月寒不火枕上成詩

風雨連天特地寒牛衣何處典朝餐半生傲骨磨將老

一片剛腸餓漸寬愁絕放歌妻子笑夜深高臥鬼神看  
浮沉多少慙恩事獨立千秋慕釣竿

長安旗亭酌別和西樵韻

家大人先適秦子將之晉陽

晉水秦山取次看長安尊酒暫爲歡翻嫌親老長征易  
却幸囊空遽別難霜氣三冬孤突遠夕陽單騎井陘寒  
來朝更貫旗亭酒慷慨辭君卽據鞍

留別晉陽幕

春風三月晉陽城淮浦年年繫遠情看我輕裝獨歸去  
兩行翠柳一聲鶯  
白眼何曾落世間多情綠酒上蒼顏一鞭長嘯寬如許  
春色無私送客還

壽陽道中書所見

妖姬年近破瓜時馬上相呼竟不知卿去自尋輕薄隊  
何須側眼罵吳兒  
雙鈎金鐙石榴禪少小尙年倚市門官道怕人頻物色  
躡鞍斜出杏花村

五日大宗招泛蕭家池同用蕭字

百頃湖田舊采蕭陂塘轉出第三橋遠帆弄影移津柳  
清雨無聲點畫橈煙際闌干紅袖倚城頭歌管白雲遙  
共嫌競渡中流沸散髮披襟趁晚潮

七夕前一日晚酌杜湘佩山園

桐陰酣晚酌水面落星河今夜秋光好天涯白露多遠

書聞絡繹遊子愛蹉跎

時湘草在北平

余亦將塵鞅山園暫放

歌

妻孥製冥鈿戲題一律

世俗祭祀所用紙錢類作金銀狀者

嗥蹴嗟來總不禁謀生合向鬼神尋

夜供吾醉

也易他年見汝心貴豈洛陽三賦紙清于楊震四知金

繞牀阿堵風吹響笑對妻孥一朗吟

秋日舟過東溪懷張雲子

千竿搖綠萬花明握手初歸古北平楚竹涼於湘女館

蜀葵爛似錦官城樓頭翰墨佳公子座上煙霞舊友生

三徑乍來遭汎濫獨餘堤柳美秋晴

同孟思過子迅齋聽琴

時彈平沙落雁

秋裏孤琴琴外花聲聲哀雁落平沙分明一片瀟湘水

把酒看雲變晚霞

中秋後一日杜湘佩留酌園亭同黃虞諧限游燈

二韻

杜氏有糟丘能禁幾度游窺園常得醉下榻不須愁况

對仍圓月同吟未老秋青麟如作脯再上鏡帆樓

時湘佩將

開鏡帆樓賣酒

蟀蟋堦前草琉璃樹下燈天風催白雁花露滴蒼藤掉

首狂歌發虛懷射覆能餘懽追月夕飛鏡又東升

涿州積雪曉發

單騎長驅憶去年衝寒又出范陽天從今不受風塵苦

玉樹瓊林亂眼前

復至交城歌呈趙明府

蔣生生平不善騎太行之險翻如戲春暮初擔長鋏歸  
冬殘又跨蹇驢至况復交遊枉道多燕趙青齊歷淮泗  
莫認淮陰作故鄉更訪松陵舊同志

歸淮又之吳江訪顧茂倫

片帆

南下似登仙往返水程一千四顧影胡然在晉陽回首

征途猶夢寐怪哉蔣生老懦夫人呼水蟹真無二

水蟹蟹之

初脫殼不能行動者吳人以呼弱漢

跋履嶮巇萬里天攬轡何曾一顛躓

須知蔣生極小心每上鞍韉不敢醉不然便是賀知章  
眼花落井能無事饑來驅我奈若何屈身流俗趨名利  
只今相對有高賢到處逢迎又其次此中消息儂自知

敢云人力非天意

和答陳子壽長安雪中送別原韻

吾生飄飄負七尺羞誇弧矢東西射淚滴江湖眼更青  
身經霜露頭將白嗜酒疎狂老步兵年年無賴逐人行  
明知璞玉終難獻願服鹽車不肯鳴家破茫茫走都市  
悲歌日落酸風起傾蓋披肝露寸心往往萍蹤聚流水  
我將西見平原君何期與子話燕雲憶別淮陰秋正老  
而今滿眼雪紛紛莫笑天涯貧徹骨猶有牛溲兼馬渤  
與君爛醉坐高歌肯對風塵長兀兀當世才名屈指數  
文賦淋漓變參伍按節抽思得意時筆奏宮商墨飛舞  
雪裏多君賦遠游氣排海嶽出皇州使君早晚徵車入

再到長安花滿樓

使君即趙交城

長安道中遇顧遙集述往事歌

名翔虞山人

闔閭城東陸孝廉公車不上窮牙籤入林惟有顧高士  
朝夕著書同下簾風雨晦明一軒裏執經更復命兒子  
賓主交歡近十年予亦過從說書史孝廉是舅予是甥  
深于自出渭陽情適館聯牀共高士威嚴函丈容狂生  
飲酒賦詩縱談笑總有科條不奉詔破盡繩趨尺步規  
先生端重知予妙復有東隣施又王輕衣緩帶人修長  
欲言不言哂而至詼諧微中游羲皇大姚王郎真太古  
黃面淒涼作詩苦鄉村百里常往來拍手呼爲短主簿  
此時一堂四生徒就中最小却姓吳多言多事乍六歲

轉眼年來成丈夫前年回鄉橋畔遇回思顧子悲岐路  
岐路茫茫不可期何期得向京華聚京華車馬流如雲  
道左胡然忽見君拭眼還疑來夢寐流離細數不堪聞  
君今下榻鴻臚寺我獨攜家歷淮泗饑驅齊晉更燕山  
今日相逢真怪事孝廉捐館十年餘回首鄉關音信疎  
願言努力崇明德歸去深山再讀書

陸孝廉名世鑿字彥修施又王名

先

上巳雨窗對餅中花柳遣興

一番新雨洗春光曉起雲山靜渺茫偷向硯池修禊事  
案頭紅杏忽生香

三月楊枝乍學斜白雲映出鬱金芽淡紅微綠皆堪惜

帶雨攀來伴杏花

對花高興寫新詩可惜繁華只暫時觸手便看零落易  
筆牀無事不輕移

凝脂傅粉絕輕盈夜落燈前靜有聲狼藉几筵休便拂  
一從書卷雜飛英

長安道中王古直命作鏡閣歌時將南旋卽以贈

別名牙來  
錢塘人

南屏落枕頭西湖掛簾額中有著書人冥心坐空碧水  
流花自香風晨月爲夕去歲晉陽城酣歌共博奕握手  
又今年邂逅長安陌風塵各倦游回首念泉石爲言招  
隱處一閣鏡中闢歸燕已如家幽人久爲客醉我鸚鵡

杯蠟我煙霞展臨岐命我歌歌成歸泛宅未知王逸少  
何日息行役

長安道中杜湘草四十初度

山林今日無遺賢開顏握手笑拍肩九衢蟻逐不知數  
兩人心跡同雲煙舉頭笑人還自笑浪走長安覓詩料  
金刹蒼松好聽鶯瀛臺碧水堪垂釣一樣風塵策蹇馳  
道傍之人知不知不關社稷蔣公琰獨愛樊川杜牧之  
凌雲甲第清淮上剩水殘山園囿曠南澗蘋蘩德耀褰  
北堂鷄黍茅容養躡屩登臨飽世情年當強仕客燕城  
堦篋寂寞依親串蘭玉迢遙對友生吾徒自命直千古  
白璧黃金猶糞土室有琴尊架有書家無鼠雀市無虎

狂學吳儂亦快哉，畧嘗冷炙與殘盃。著書天地壽金石，白眼看人歸去來。

大宗招集止園限僧字

同吳江僧溯聞

久作名園夢歸來，乍一登垂綸青鯽上。把酒白雲興晚照，留殘客秋風送老僧。主人偏惜別，醉共小舟乘。

金陵中秋同王公宜集百詩庭中待月

年年秋月醉煌蘿，添得王郎一曲歌。橫笛臨風休更咽，

關山搖落恨人多。

筆牀茶竈散人船，亂後無家二十年。今夜吳淞江上月，

清光千里斷腸圓。

公宜于乙酉年曾避亂同居江滸

竹鷄

山竹籠輕稚子攜，開籠祝祝似家鷄。尋常飲啄尋常宿，

不是驚人不肯啼。

晉陽道上為再彭先生賦眷西堂詩

戲為新體二首

馬出晉陽遲垂鞭，有所思剪圭王子。邑懸甕女郎祠寨，

僻餘桑梓春深罷。繭絲念君西顧久，東望獨題詩。

太原即唐

叔遺封有懸甕山出晉水

再彭晉陽人居淮數世矣

東望獨題詩懷君，偃仰時本源。心地切輔弼，耳天奇未

遂攀桐葉還期，喫荔枝據鞍方一笑。馬出晉陽遲。

眷西左右

有小境名耳天兩門曰輔曰弼自有記再彭先人官闔所九仙而生獨嗜荔枝時思往啖

兒輩鬻蔬果解嘲

瓜瓞青門出，故侯灌園公子冷。于秋雖非烏倮鴟，夷筴

也勝鷄鳴狗盜流負荷一身同運甕飄零五月省披裘  
詩書嘗徧無滋味羨汝筐中白菜頭

舟發

枕上  
偶成

古渡船爭發空塘月正明牽交高下避呼急往來迎應  
接憑三老喧闐到五更煙篷憐小婦振柁逐人行

牽呼  
去聲

哭宗魯叔

掉首天涯不肯歸鄉園迢遞故人稀竹林每憶新詩卷  
草莽猶存大布衣兩度寄書魂欲斷一朝聞訃淚空垂  
永懷杯酒追隨日霜老吳淞古釣磯

和  
非指聞歌原韻

新蒲細柳恨綿綿隔院琵琶聽小憐何意隣人追往事

却疑宮女訴當年悲笳已入關山調老淚齊揮燥濕絃  
忍憶漢家全盛日將軍露布勒燕然

松陵道中遇許竹隱話舊

宦海征途十送春相逢俱是再生身孤舟楓落吳江夜  
萬里羅施鬼國人贈答依然盈篋笥飄零何故恨風塵  
片時促膝言難盡究竟無言各愴神

竹隱初任思州司  
李思州爲古羅施

鬼國丁外  
艱旋里

曉逐蒼頭折簡來不須盥漱便銜杯平生量窄傾難醉  
遠道詩多誦易哀三徑別時無杞菊萬山高處有樓臺

傳聞目擊皆如夢青眼今朝乍一開

竹隱詩稿名  
萬山樓集

剖竹何堪計歲華蠻煙瘴雨道途賒一官跋涉難將父

五馬歸來已破家，泉下那知風木恨。望中如到斗牛槎。  
三遷荒裔無休日，衰經加身始及瓜。自思州司李遷思南司馬又陞太守

過廣陵關

時河路擠塞

敏捷篙工肯力爭，乘機視利脫身輕。上前呼吸差分寸，失勢擠排落後行。

登虞山城樓望尚湖

城頭半壁鎖南山，山上登樓縹緲間。萬里海風吹客帽，一天霜葉落禪關。雲低雉堞青帆出，水沒魚梁白雁還。歸路獨尋虞仲蹟，何年採藥到荆蠻。

苦寒行

春來雨多忽一雪，羲和無光后土裂。背陰不動積若山，化凍復凝堅似鐵。出門酸風鑽客心，開口朔氣結人舌。一寒十日少春溫，牛馬無聲飛鳥滅。吾生饑寒殊骯髒，對此不覺神魂蕩。囊中酒錢早早空，街頭米價騰騰長。止酒無過減嘯歌，絕糧何以遂生養。未必青毡直半文，任他白髮生千丈。側聞當官煮粥散貧民，城南城北設三廠。吳儂一席在何處，貿貿天涯失所往。又聞河工募役三萬人，宵來無數塋河濱。余獨棲棲何爲者，坐待春風更問津。時將南渡  
積陰中題西樵春水閣  
題閣關天意春來雨水多，雲帆移几席翰墨動江河。把酒簷花落開簾，燕子過高于船上。坐滿日起煙波。

題西樵新開西閣高窗二律

蹋壁從空上高開一洞天女牆當落日隣樹起新煙極  
望春雲路閒披秋水篇振衣凌百尺如坐孝廉船

遙天新入畫西閣更西窗帆影來銀漢鐘聲出寶幢清

尊常引滿老樹不成雙何異匡廬上雲開望九江時同集王

帆仙將游江右

子敦以正月十日三十生辰予不知至二月十日

子敦姓周名忱

新春連綿風雨雪荒城何處聞百舌大地融成燕子泥  
他鄉冷過梅花節野人出門步步難天時人事兩漫漫  
女媧不補高天漏炎帝爭教后主乾昨宵雨雹兼雨水

游戲神通無不可嗟來有食且行行歸去無家且坐坐

汝南嶽立周子居少年讀破五車書風塵眼底空諸有

磊落胸中保太初論交于我忽三歲方寸千秋通夙契

鮑子分金何足多莊生貸粟良非細此心如木不如飴

萬水千山有夢思浩浩清輝中夜月依依寒影對陽葵

前年去年我客晉兩度陽春同一瞬三十看君早立身

一詩愧我方投分王湛知名三十年張充三十豈徒然

君今澹泊非無謂不比長齋繡佛前

題天仿胡孝廉棟居圖 并序 孝廉自有記

氣有二十四大寒居其終風有二十四棟花為之殿  
誠如棟居主人所謂難辭夫苦者夫棟入藥固自苦  
何所取之取其苦也亦猶蔣生之名楛非為詩之榛  
楛濟濟干祿豈弟也非為書之惟箇籛籛三那底貢

厥名也無非以木傍加苦其狀甚苦取其苦而已矣  
與棟居之義頗有合焉故棟楛二字去木皆成九筆  
不惟義合而數亦同余小子不敏願托  
高人之居相發明之其誰曰不可詩曰

黃河千萬里雲樹隱人家歲歲清明後春風送棟花

尋梅河北園亭

一水送輕橈園通宛轉橋梅開偏耐鎖鶴老不知調別  
院尋棋局前村見酒標折枝香滿把歸路惜風飄

三月望日夜起對月聞梁間燕聲

夜起行吟月正中春星高捲一簾風舊巢燕子新來宿  
夢裏商量補落紅

同張虞山杜繹山王聖臣方聖徵徐錦瑞郊外看

桃花值雨歸飲和虞山韻

風急懸知有雨來好花只許暫徘徊橋頭賓客踉蹌去  
野外烟波寂寞開玉洞旁看漁父笑劉郎苦被杜鵑催  
莫嫌巾角人人折且對幽居盡百杯

初夏青蓮庵同程燧四程質生方聖與程于庠赴

程次清招同賦

載酒過前溪迴廊麗日西風塵驅野馬鼓吹出田鷄

蛙日遠樹圍千疊連檣到一齊煙中漁子夢歸去水禽

啼

錦席俯清溪春殘水寺西雲沉漁浦罩風送客船鷄特  
立懷無忌羣居慕不齊途窮須盡醉肯向俗人啼

秋日同張孟思訪王元暉同令嗣構子宴游竟日

到門無犬吠山戶帶秋扃  
蟀蟋吟虛壁松筠對小亭  
雲來三徑白風過一琴青  
隨意彈流水隣翁結伴聽  
逸少能留客詩書一榻閒  
園蔬摘晚圃家釀醉秋山  
捨棹茱萸洗攜筇薜荔關  
地偏幽興愜慣逐暮鴉還

同人集青蓮庵

爽氣明秋眼空亭一望湖  
青帆開歛灩白鳥落菰蒲  
客久難爲別僧高不厭孤  
平生煙水性呼酒散窮途

中秋前一日次清招同天仿西樵錦瑞泛舟限霞

字是日陰雨晚霽看霞采變幻

蕩槩收殘雨飛觴飲落霞  
卽看雲鬢黷同染日光華  
碧水涵成綺金天散作花  
中秋將望月今夕起漁家

賣文沽酒同孟思兄弟夜飲

論文真忝竊懺悔買香醪  
秋老雙螯大途窮一醉高  
榆揚無郭泰藻麗愧枚臯  
閉戶看明月松風起夜濤

謝稚暉春草堂詩稚暉能畫

惠連筆底自生春况復西堂草色新  
女伴鬪來誰最富王孫歸去不知貧  
一池綠雨塘前夢五畝青陽畫裏人  
色映芸窗書帶曉芳郊應見踏歌頻

題菊所

客居荒城闌往往隔風雅信步出西郊  
深巷有靜者白日掩雙扉寤寐東籬下  
圖書擁座隅秋光晚瀟灑博山燒妙香  
晴空走野馬應笑陶淵明徒然好杯斝  
神往白

衣人采菊常盈把

哭送胡枳稜將軍歸葬孝感

一官無嗣復無年江漢魂歸萬里船細柳營前舊賓客  
祭君留得賣文錢

永城亦有死生交千里襟期似漆膠白馬素車今到否

關山迢遞范張拋

謂永城練石林

同心同病有倪寬地下相逢付一歎休問人間身後事

乾坤納納路漫漫

臨清倪天章與公至交倪亦相繼而卒二公俱無子而倪配已他適故云

寡妻扶櫬歷天涯女作門楣尚有家辛苦同歸三十口

中間喪主一絲麻

公夫人程氏卽端白先生堂妹其胞兄蒼其與予交善壻李由簪主喪

河道難

曙戒太史題

河道難陸沉滿日憂無端憂無端蛟龍喜人煙蕩析波  
濤起經年戮力築宣房何日成功歌瓠子河道難役不  
已堤身屢決不堅牢河性無常樂遷徙河流湍悍信有  
神豈甘屈曲由斯人大禹濬川順水性白圭治水忘四  
隣古來成賦有天意不然何以唐堯九載無安津商都  
五遷無定民國計孜孜在轉粟那知滄桑遞變隨波臣  
去年送客行河外五月長河一衣帶秋來汎濫更滔天  
田家何處尋溝澮吁嗟乎勞民歲竭府庫財挽輸難上  
黃金臺河道難日殆哉吳儂漂泊憂昏墊平成須問濟  
川才

留贈鄧尉天善三雨兩上人

放下空山已十年風塵奔走不曾眠今宵偶入梅花夢  
重到禪燈古佛前

同是東林七尺身君歸調御我風塵羞將落拓風塵面  
來訪梅花舊日春

癸丑端陽前三日宴集張翰存吏部東溪

高會俯城頭薰風百尺樓主人凌鮑謝賓客盡應劉江

上梅初雨天邊麥正秋驪歌將進酒轉盼月如鉤

是日送丘

曙戒太史北上

臥秋歌贈黃大宗三十歲八月二十八日

臥秋歌歌徹秋空臥薜蘿且停金叵羅鼓雲和山中友  
鸞鶴枕上無風波黃生方壯非不顯含輝韞采山之阿

山之阿有瑤池瑤池王母碧玉卮七十有六餐紫芝三  
月三日千秋期山之阿有大椿根結青雲覆紫宸紫宸  
迢迢文昌羅武庫左經右緯齊彌綸正月十五慶生申  
山之阿有竹林竹林阮籍同秋心懸弧相距無旬日叢  
桂飄香菊綻金山之阿有棠棣伯仲衣冠何濟濟黑頭  
公輔會聯翩君今乍屆三十歲三十張充自立年鴻辭  
博學寰區傳月當元愷數日取雲臺列宿全陳桂醕借  
萸筵五更東望月初懸恍如初三薄暮暮春天願同王  
母壽八千一家歡樂樂平泉平泉之山類蓬島桂苑仙  
娥顏色好買得鸞膠續斷絃何妨三五疎星小小星上  
帶春星樓何必空山獨臥秋况君三十名高將有室東

山一出登瀛洲瀛洲館東山窩夢入明王寤寐多稱觴  
爲進臥秋歌以于鵠三十初度作臥秋圖招余作臥秋歌

黃介石游西湖

芰荷香裏放蘭橈一路薰風酒旆招晝靜鶯啼吳苑月  
秋來人信浙江潮飛瓊度曲飛瓊竿美玉凌波美玉簫  
爲憶追涼何處好六橋中傍第三橋

和西樵韻賀陸密庵提學納姬

有序  
姬姓張

癸丑三春同遊吳越梁溪四月獨納姬姜陸子天隨  
收盡西湖煙景張家靜婉攜來南國香奩自恨飄蓬  
未窺仙影遙傳結珮因和新聲敢云子夜之歌聊續  
陽春之奏

吳女輕盈碧玉姿陸公泉上定情時愛攀楊柳藍橋近  
貪看鴛鴦錦纜遲舊繡開奩縈蟾子新粧映水落魚兒  
薰風四月淮南道不遣凌波舞柘枝

題舟中盆梅

春船攜得一盆梅綠萼紅葩次第開莫道深山花信遠  
隔江時報暗香來

修禊日憶去年湖上同嵇淑子太守泛舟今太守

已家居有感却寄

高賢名賞足千秋隔歲風光一片愁癸丑正當三月暮  
永和還似九年遊西泠近接蘭亭勝中散高同逸少流  
剩水殘山連雨脚清歌妙舞轉船頭行春太守停驄馬

拾翠佳人上綵舟，亭峙湖心金碧麗。橋迴城角蟠螭浮，荷錢細點鴛鴦浦。柳線輕遮翡翠樓，處處煙巒藏翰墨。家家絃管醉香篝，芳潭月冷漁歌起。野寺鐘殘梵唄收，時看修延賓終日愛綢繆官清案牘平古臨風勤締造。放崔亭頻開宴痼結，煙霞便乞休。招隱好隨梅嶼，雀忘機堪狎。鑑湖鷗別來夢斷，迷青眼歸去辭成對。綠疇轉瞬韶華蹤跡異，淮陰襖事又重修。

中元後一日程婁東招集江右蔡靜子山左丁顥若暨同里諸子時胡天仿歸自粵東高漢思張虞山杜湘草歸自都門吳嵩三歸自秦中閻百詩歸自山右主人亦乍從武林歸居者惟吳姬

望丘季貞孫友三大半遠人因限遠字家君及予以事未赴詰朝賦以謝之

遠歸開清宴，會心一何遠。秋風送新涼，白雲來翠巘。冷然洗客心，把臂悉嵇阮。誰非遠遊人，半從遠遊返。四座擬巫峰，笑談接繾綣。或辭桐葉封，或下蓮花坂。或看庾嶺梅，或策燕山蹇。豈無思歸客，青齊共新建。豈無閒居者，三子閉秋苑。主人久西冷，掃徑遑息偃。折簡遙見招，老親愁日晚。良會缺追隨，窺園限關鍵。桂魄逾中元，蘭香滋九畹。永懷觴咏處，菽水忘三飯。

雲子招飲池上

日落荷風靜，壺觴沼上來。紅粧眠露渚，翠蓋舞雲隈。公

子安絃待仙翁放棹回酒徒貪酪酊臨別更深杯尊人先回

故有第六句

館齋自嘲

瀟灑乾坤落拓身天懷閒逐四時新不緣菽水關情切肯把風光賣與人

贈南菴和尚正月初五日

古今一野馬天地容孤雲達人當靜照與世何紛紜南公世外交飛錫卓淮濱石頭棲霞寺法鼓人天聞萍蹤得邂逅贈答彌殷勤五日斜川遊湖光蕩斜曛回思剖脅日七步開氤氳過橋一聲磬春色問東君

同人集黃大宗齋中看燈分合字

華堂金翠屏山合有酒如淮通濟潔座上紛紛多酒徒不記千觚與百榼蒼頭洗盞客更衣張燈齊上千條蠟千條高下隔雲霞八面玲瓏照閭闔或如虹橋藻梲懸或如蜃市雕梁雜或如流電過銀河閃爍蟻珠互相答瓊筵疑坐水晶宮福地應生多寶塔我限層城歸去來有人信宿陳蕃榻

陸密菴提學招汎舟池上

秋高水淨客心空薄醉歸乘一棹風梵宇參差連雉堞天香縹緲近蟾宮煙清魚鳥無人到沙冷津梁有路通良會難逢今視昔浮圖猶說晉時功

飲杜湘草園亭

大杯來勸我高興說生平好友無拘束狂夫有性情欲  
消三寸燭恨隔一層城笑爲蠅頭誤秋園負月明

辭館對家人解嘲

素位何辭稼穡勞休誇利厚與名高我貪飲酒添蛇足  
人誤聞言索鳳毛莊嶽難登齊傅去醴泉易竭穆生逃  
知幾自是神明事笑聽妻孥爲鬱陶

雪後過林方菴齋其門人馬洛友留飲

絳帳留賓聚寒江念客行杯中藏至性世上盡浮名返  
照盈庭雪長空昨夜晴相過讀書處刮目鄭康成

正月初五日南菴和尚生辰

是日雨水卓錫湖心寺

袈裟泛野船疑是古斜川雨水今春早雲濤此地偏拈

花開舊社問柳入新年指使揮如意來聽最上禪

一木徐武子前輩八十二

乙卯秋八月二十一日

蓬轉天涯向十年江淮齊晉歷幽燕前春偶返金閭棹  
重到丘樊小洞天此時韶華適癸丑未修禊事先呼酒  
血滴山茶白玉蘭鏃新燕子黃金柳綵衣奉席共銜杯  
笑接萍蹤夢裏來自言春秋七十八先看吾翁十度梅  
一別星霜兩回改秀眉長與青山在吾翁杖國翁杖朝  
人添甲子籌添海南北超遙江漢秋尊鱸何處季鷹舟  
并刀剪取吳淞水孺子亭前日獻酬

和韻題階六黃門小照

女史香從待漏焚閒居圖出艷紛紛興朝肝食求黃髮

遊宦風流問紫雲檀板拍來傳谷響玉簫聲動繞梁聞  
溫柔鄉裏神仙宅却老何須李少君

陳階六黃門席上

西堂涼宴敞高雲秋入中元暑氣分觴咏無羈容皂帽  
畫圖有興托紅裙

謂小照

陳蕃榻爲高人下蔣濟名從酒

伴聞今日躬逢投轄飲沉酣悔作送窮文

泛舟紅橋

春遊不速故人同隨意輕舟蕩晚風花近鞦韆沙岸綠  
柳藏蛸蟀板橋紅窺園曲曲尋三徑移席厭厭醉八公  
一水回橈簫鼓亂燈前半面隔簾櫳

題吳遠度桃源圖

玉洞離塵不易逢扁舟偶爾一溪通千山黛色連天碧  
兩岸桃花映水紅化國桑麻栽物外仙家鷄犬宿雲中  
羨君數寸靈犀管指點分明與釣翁

秦郵道中有感

城郭蕭條草木疎桑麻鷄犬化爲魚湖連霄漢千帆落  
人借蛟龍一線居內府金錢傾璧馬中原膏血付河渠  
刊隨未見功成日水性多應異古初

秋日

老親秋患痢百遍起匡牀頭白眠難穩燈昏夜正長伴  
愁添蟋蟀嘗藥減柝榔顧影時疑夢心旌一渺茫

新雨用杜韻憶周子敦

仲春初破暖一雨曉寒生黯黯窗前色瀟瀟枕上聲  
斯須成霰霏節序近清明起望頻搔首同心悵隔城

大宗同看河北桃花

長風吹艷過春林新柳籠煙入望深野館迴廊聞屨響  
溪橋移席避亭陰隔花彩袖凝眸去行酒青衣着意斟  
狼籍壺觴人影亂歸舟遙帶夕陽吟

贈張九臨

起用同人原贈句

白髮江南有幾人先生樂道不憂貧姓名自昔連鈞黨  
蹤跡于今混隱淪一代文章逢掖貴千秋廊廟簡書新  
赤松已遂留侯志瀟灑乾坤任屈伸

輓阮吉人前輩二首

傾蓋從千里通家已百年棲遲依井絡來往見炊煙酒  
熟臨風勸茶香帶月煎卜隣如舊好三載盍簪緣  
一病纏綿久參苓付逝波忽聞凶問到爭奈遠遊何今  
卜松雲壙初陳薤露歌寸心秋水淨映徹九原多

風日晴美周子敦留酌用少陵韻

索居風雪裏今日始窺園朔氣那能久韶華不厭繁貧  
來詩債重老去醉鄉尊小院陽春滿高吟好閉門

送杜湘草往太原余將游越

傾蓋逢迎便是家青驄畫鷁各天涯陶唐一路梧桐葉  
吳越扁舟菡萏花范蠡臨風堪弄笛劉琨對月可聞笳  
女郎祠畔多佳麗未必懷人到若耶

題廣陵天寧寺

廣陵城北古琳宮，龍象莊嚴地軸雄。  
銀杏干霄擎佛日，木魚振梵響天風。  
名傳謝傅圍棋後，蹟著隋皇駐蹕中。  
巡覽豐碑趺坐久，夕陽花雨滿晴空。

泊新豐烹鱒魚小酌

傍晚雨廉纖，新豐見酒帘。  
銀鱗和血剖，玉笋剝泥尖。  
屈指嚴程半，開懷異味兼。  
村沽休惜醉，前路少郵籤。

舟過練塘觀水發

玉龍噴雪捲風雷，瀑布簾垂六口開。  
七十二流奔滙處，練湖如練練塘來。

毘陵道中風日晴美題霽樹

綠樹新晴色，舟行客興飛。  
日高羣鳥唳，天迥片雲歸。  
積翠藏精舍，濃陰過釣磯。  
柁樓乘晚眺，處處帶斜暉。

泊毘陵東關外皓月當空風清浪靜

片月何時滿，清輝萬里來。  
不須今夜燭，孤負隔宵杯。  
水遠冰壺靜，天空玉鏡開。  
芙蓉湖上望，倚棹勝樓臺。

登惠山泊無錫西門驛

九峰蒼翠撲人來，轉棹梁溪晚溯洄。  
市以酒徒名，蔣徑園因詞客起。  
秦臺林巒落日紅，粧下鼓吹張燈畫。  
舫回水驛停，橈迎送急推篷閒。  
看把深杯

風雨三日臥病

風雨連宵急，秋寒臥草廬。  
餅壘空積水，釜甑冷生魚。  
自

笑便便腹誰憐咄咄書荳花吹欲盡憔悴故人疎

送闍百詩應召北上

千里尊鱸戀季鷹  
翹車忽下璽書徵  
野人自覺逍遙好  
日想河東酒一升

荳花水上荳花風  
祖帳連雲送玉驄  
攬轡止攜琴劍往  
石渠天祿在胸中

冬日菊下逢林方菴限冬字即送北上

裘馬經過話上冬  
幽軒幾聽北樓鐘  
同人把酒歌三疊  
異地看雲到九重  
鄉夢離離霜夜菊  
客心落落歲寒松  
長安朋舊金閨彥  
若念吳儂問越儂

丘止所招集水亭觀荷

林林仍楚楚一葉一頭蓮  
露裛金莖直風翻翠蓋圓  
清芬兼杜若婀娜自天然  
坐久渾忘暑誰留月夜眠

暮秋河北園林看菊即事

林麓散秋陽園花一路香  
風輕蝴蝶亂水落芰荷涼  
遣興成茶讌催詩負酒狂  
白衣人不見落日滿柴桑

題淚竹

半庭翠篠玉玲瓏  
細細斜陽冉冉風  
生小染成湘女淚  
故教含笑入簾櫳

五月二十四日自嘆二首

崇禎入繼改元初  
縹緲浮生落太虛  
士氣盡伸鈎黨重  
王綱反正逆闡除  
未離襁褓無知識  
猶幸乾坤有室廬

一逐蓬飄弧矢散那能馳夢到華胥

祖德清芬奕葉光吳淞江水遡源長東臯第宅雲霄峻

北渚園亭草木香慙愧昔年高自命蹉跎今日久他鄉

無端擲向風塵老南望松楸一斷腸

庚申三月二十九日王家營曉發

殘月細娟娟東南欲曙天荒鷄啼不斷村樹遠生煙

獻縣

却望虛無細柳營日華宮館浪傳名舊時禮樂衣冠地

一片風沙敗土城

舊時改漢朝

金穉菴五十初度

七月初九日

銀漢移桃核金風送荳花秋生少昊律酒熟秔候家視

膳輕人爵傳經重國華已頒仙令秩初返遠遊槎畫錦

開三伏春觴泛九霞連宵填鵲後片月上弦斜獻壽方

稱艾歌詩正食瓜燕臺羈旅客和墨向天涯

名星垣子人望新授

縣令字道州

送趙又呂明府之任驪城

先令長洲介休二邑

指顧雷封五日程一官三度抱琴行長洲雲水雙鷗鷺

綿上春風滿旆旌剖竹更逢孤竹國栽花宜入五花城

蒼山碧海當南面珍重雄圖右北平

贈趙天羽先生

正月八日餞別淮上初夏擬手京邸時已補戶部主事

淮楚風光新初年逢穀辰翹翹送車蓋遙指京華春行

厨列祖帳照耀清江濱或結管鮑交或叨申白賓飛觴

秉華炬酣歌夜鄉晨

無何四月望一笑逢剡門征塵染膚髮入座無寒温聞  
已領農政適然開酒尊三杯拂衣去欵曲未曾論

送江辰六令益陽

春蕪詞  
辰六著

十年寤寐結春蕪傾蓋欣逢郭隗途舉世黃金誰市駿  
羨君彩筆獨飛鳧雨清湘浦千竿玉秋淨星沙萬顆珠  
此去卽看宣室召斑衣先向鯉庭趨

前中秋坐月

是年庚申夜月特佳自初十起至十  
七日每曉必雨晚必霽雲淨風清

今夜長安月分明尺五天看看凌漢小步步逼人圓帝

座通呼吸鄉園望接連老親搔白首碧落寸心懸

是年  
先君

七十  
五歲

何事無情月偏能照別離已看升較早故使望來遲

是年

中秋以  
十六望

冀北憐萍梗淮南憶桂枝消愁惟取醉百罰把

深卮

歡會此宵良休嫌滯異鄉露清能散酒風靜好焚香澹  
澹明河影沉沉列宿光依稀蟾窟裏歌舞動霓裳

崇朝雲雨散皓月出庭來人在冰壺坐天將玉鏡開姮  
娥臨斗極神女避陽臺着意酬佳節蒼穹亦怪哉

十七夜半大雷雨將曉月朗天空有懷入直中書

省程天式

雨過月仍圓空涼欲曙天疎星明的的浩露濕娟娟鐘  
動鷄人散簫清鳳女傳紫薇簪筆史一夜不曾眠



太常修野丘侍講曙戒胡學士又弓譚學正漢  
倬劉廷評价人崔鴻臚西琬李翰林公凱程中  
翰天式胡明經鎮瀛張公子我烜豐臺尋菊

客居慕游覽濟勝須賢豪我來歷寒暑憫茲塵市勞西

山儼圖書入望空牢騷清秋忽云暮令序逼題餽鳳城

張京兆置驛期遊遨車馬集朝士蓬藁連布袍志同不

待速齊出南城濠天開佳風日衆情樂陶陶指顧接村

麓經過惜林臯夾輪輸菜把古寺聞松濤白楊最無賴

丘陵羣怒號石橋流水渡主客停旌旄知是輞川莊王相

園豐臺隔塵囂入門垂柳蔭井泉供桔槔春卉既凋謝

不辨李與桃遺根思芍藥爛漫當蠶繅草堂四面開滿

座行香醪野人獻叢菊饗子羅霜螯壺觴間博奕淹留

冀焚膏夕陽人影亂歸鞭信所操新月未上弦落照明

秋毫取道又一變據鞍首重搔披襟恣遠眺雄圖蟠巨

螯疆理如繡錯茶蓼無不薈西成滌場圃于茅還索綯

謳歌帝鄉宰歡宴容吾曹逍遙輦轂下明日更登高

重陽日同王筠長丘太史曙戒李翰林公凱崔西

琬徐錦瑞登慈仁寺毘盧閣分得十  
五成

龍象凌霄萬象監重陽登眺出塵凡歷朝于此瞻雙闕

終古何曾見片帆嘯傲乍酬黃菊酒飛騰遙俯白雲巖

科頭尚覺天風暖笑指斜暉半嶺銜

投筆長安作

塵沙點點利名心只合溝渠較淺深長嘯一聲投筆去  
莫教空碎子昂琴

驟聞黃大宗凶問口號五絕句

尺素郵筒墨未乾修文玉樓寒他鄉猶望傳聞誤

痛殺來人見蓋棺

九月初三日卒

令填百字索篇章蓬矢桑弧志四方乍喜中秋生日聞

誰知死日近重陽

數日前有書來索百字令詞賀其聞生日八月二十八日也

賀蘭旅櫬遠歸來江夏黃童泣血哀徧乞碑銘傳有道

一朝陟岵向泉臺

尊人蘭岩先生觀察寧夏櫬歸乞言

秋燈新哭李夫人避瘧蹉跎一病身忍捨遺孤攜手去

可憐七歲石麒麟

如夫人生一子最聰慧夫人姓李先數日亡子方七齡就傅

十五年來樂事多曾題三十臥秋歌今秋一臥何時起

腸斷空山舊薜蘿

癸丑年三十作臥秋圖索題

拜別先君子墓

乘舟北上

棄父荒郊外孤身又北征終天猶積恨捨地已吞聲色

笑經年別瞻依隔世情臨岐惟六字永訣自今生

慎言節飲

耐性六字

擔簦千里道珥筆一身傭痛失鷄鳴問歸管馬鬣封披

帷瞻几杖繞墓想音容一慟郊原去雲山又幾重

六月既望胡鎮瀛招集尊人又弓學士西閣

時學士新

拜起居日講

玉堂深處起亭臺十二湘簾面面開蔭徹瑤編多碧樹

涼侵珠履遍蒼苔斜陽檻外西山出片月筵前北斗來  
公子留賓詩思滿天街蓮炬報朝回

立秋日大風雨憶去年淮上大水

先君曾寄書及詩今望家信久

不

斜風斜雨又新秋寂寞空齋淚暗流記得去年書札到  
綠蘋門巷似芳洲

秋霖幾度寄詩篇誰料今秋臥九泉莽莽荒郊多積雨  
神靈飄忽在誰邊

風雨牀頭酒一壺今朝猶薦几筵無寸心千里魂千折  
客路笑笑老更孤

老筆蕭疎手自裁紅絨小印月頻開望中淚竭新秋至  
不見天南隻字來

京師太平園觀劇戲題竹枝

老人無計遣愁懷貰酒長安十字街應制優伶各內聚  
太平園裏唱荆釵

梨園大抵是吳儂妙舞清歌入九重多少書生頭白盡  
笑啼無處肯相容

悲歡離合演來真優孟衣冠絕有神喉轉盡如絲竹脆  
聲聲飛出遶梁塵

又三首

皆指小旦葉四官

班頭聲價動長安眾裏先尋葉四官可奈荆釵無脚色  
開簾止許剎那看

臺上額剎那看三字

過雲絕技勝秦青何日清歌洗耳聽水噴桃花瓜子面  
暫時含笑立娉婷

知情鼓板說風騷同舖雙雙霸占牢此處無銀三十兩

如何妄想喫餘桃後三首俱指葉四官欲通葉者先商之點鼓板略同舖者三十金

出居庸關關口有大牌坊題中原鎖鑰四字

清秋攬轡出居庸叠嶂連崗積翠重天險不勞三箭定  
土崩何用一丸封中原鎖鑰頻亡鹿絕塞雲沙有伏龍  
內外和親邊備解滔滔馬市接駝峰

過劉蕡故里

塞草蕭蕭塞馬鳴劉蕡故里近神京文章不必登科貴  
柱石猶標下第名

關外望長城

蜿蜒天半插山城曾列防秋萬里營如此雄圖空點綴  
當年何事不虛名

重九日送楊修野太常乞假歸里和丘曙戒太史原韻

簫鼓連檣喚長年碧雲縹緲望金仙郵亭一帶黃花路  
應憶登高尺五天去年九日同豐臺登高

一代文章軼馬班清卿未老拂衣還風流不減張京兆

彩筆蓬窗畫遠山如夫人同載

戀闕初辭報主身翠華遙望正南巡回鑿他日逢郊祀  
存問當年典禮人太常以庚申長至從祀地壇司香今駕幸鄭州

送金道州令粵西六首之一

百粵崢嶸領一官兩年萍聚憶長安此行嶺嶠多清曠  
只當西山積翠看

贈李子靜少司農封山還朝

壬戌

太平更舉石函封南鎮尊嚴視岱宗 帝簡久專三獨  
坐皇華遙借少司農鄴侯清靜馨香協元禮高深肸蠭  
從擁傳勾吳同使蜀喧闐齊識長卿容

玉帛當年集會稽升中縹緲越山低爲欽文命加蒼壁  
不比王褒祀碧鷄六詔三苗兵氣靜千巖萬壑喬雲齊  
恭逢治定功成後望秩承 天下紫泥

初平  
叛藩

題淮陰侯祠

長堤風塵昏車馬日馳驟上有古釣臺片石當寒溜云

昔淮陰侯家貧志未就于此獨垂綸功名立宇宙旁卽  
漂母祠基廢莫堂構殘碑臥草間半被泥沙覆入城甲  
第多冠蓋亦輻輳中餘韓侯祠開府署其右早暮鼓吹  
喧荒祠無俎豆榱桷久崩頽相尋成外廡廡敗有時葺  
此類文王囿庭除溲渤富未許蓬蒿茂侯雖馬上來雄  
畧本天授不忌一飯恩千金以爲壽安得遇高賢揮金  
用意厚憑弔各經心修明復厥舊

廟貌漢冠裳清高氣猶肅言念垂綸時女流亦刮目仗  
劍起從軍中原共逐鹿滕公與蕭相知人競推轂漢高  
能將將相視殊碌碌功成齊楚王侯封僅淮瀆鞅鞅輕  
絳灌遂致夷三族不聽蒯通言何不甘雌伏留侯從赤

松知幾早辟穀經過一憑弔斜暉下林麓

同杜湘草

尋秋水  
士方丈

天迴城荒白日斜秋光知在法王家開門亂擁雙飛蝶  
鋪地難分五色花香散虛空離障礙景從時序鬪繁華  
不嫌剝啄留清讌梅水頻煎穀雨茶

古人有  
茶讌

七夕同程燧四胡天仿劉叔度柳耆又赴潘小董

偉南喬梓招河北園亭觀荷

舜華列錦屏菡萏排銀河孤亭結蒼翠榆柳紛交柯南  
軒敞寥廓雲峰疊嗟峨陂塘亘五畝芳菲藏素波游魚  
靜忘躍舞燕縱橫過蘭秋暑氣薄斜暉弄煙蘿几席俯  
幽渚四座香風和仰睇霄漢間七襄落金梭雙星事縹  
緲佳話不厭多良辰滋想像西林見姮娥題詩拾桐葉  
輕裳裁芰荷涼颺送歸棹醉發清商歌

和金遠水四十初度自述原韻時在宣府署中

居庸關外昔經過莽莽桑乾曳落河

辛酉八月二  
十八日到署北望

三城鴻雁少西來千帳駝多邊庭秋色驚榆柳官舍

風流話薜蘿屈指今年強仕歲萍蹤繾綣惜驪歌

九月  
初六

別日

蓮幕何須涕淚零邯鄲夢好漫教醒南轅休蹈吳儂轍

北斗還留越客星淮海羈孤頭欲白關山迢遞眼終青

羨君不惑年華富詩滿鷄鳴古驛亭

宣府有  
鷄鳴驛

黃鐘協律壽筵開何處登臨覓觀臺月正上弦三祝始

日將添線一陽來絳帷弟子親函丈紫塞郎官近上台  
束縛暫酬知己分稱觴有待共春醅

十一月初九日生

花朝後一日程次清招同胡天傲宋彬臣黃子心

杜湘草金受宣泛舟蕭湖遙望韓侯釣魚臺

春水何茫茫春風亦陶陶同心六七人泛舟出林臯不  
聞闐闐喧但覺煙雲高溯洄舊歷境黯然蕙手勞繁華  
一過眼逝者徒滔滔何況千載上懷古悲英豪釣臺不  
知處孤碣當城壕遙瞻斜照外醉來首重搔仰天浮大  
白狂歌立洪濤歸路偏惜別自將蓮葉操花朝連月夕  
光滿芰荷袍

東湖泛舟不覺入止園嗚咽成詩

剩水殘山憶宴遊天涯不覺歲華流自驚江左飄零睿  
觸物懷人徧楚州

題程叔獻新築水亭

亭舉卞築敞湖天萬疊雲峰百頃煙水口往來漁艇密  
山腰襟帶女牆懸幾家別墅開圖畫何處游人送管絃  
爛醉好乘黃鶴去楚州誰是識飛仙

九月二十九日風日晴美俞彙嘉使君招集

杜湘草朱

開皇陸開子馮香遠陳叔毅項承錫令壻  
沈緘三沈宏度登高三展重陽分十一真

秋霖強半送芳辰小盡融和接小春三展重陽還眺望  
獨憐斜照更鮮新王弘不惜開尊屢孫盛何辭美筆頻  
况有乘風來傑閣青雲滿座燭留人

贈程念因

房中琴瑟奏螽斯周姥能吟不妒詩自有枚臯郎拜早  
休嫌絡秀子生遲鱸尊每動秋風興鷄黍常存社日思  
會見傳經蘭玉滿名成垂釣舊江湄  
同舟北上執鞭歸茅店蓬窗念布衣一諾脫驂封四尺  
千年化鶴慰雙飛助余合交推鮑叔知心獨老愧侯生  
報德稀把酒浩歌期白首巾車戴笠莫相違

程維高齋觀周忠介遺事劇志感

并序 劇俗名五人墓

吳門周蓼洲先生名順昌諡忠介天啟朝吏部  
主事以忤逆璫魏忠賢矯詔逮繫獄底初緹騎  
下吳時人情詢詢及忠介慷慨就繫先舅氏王  
貞明先生暨先君子受業師劉漸于先生皆諸  
生昌言公庭趣當事解救不之省遂激閭閻義  
俠奮臂一呼通國響應擊緹騎有殫者後益銀

鍊成獄崇禎立優卹子諡先舅氏名節後登崇  
禎已卯賢書先師名羽儀明經憶是歲丙寅先  
君子尚未婚余小子尚在鴻濛中今五十餘年  
鵲啼西蜀鶴化遼東忽遇排塲空留樂府余小  
子流離異地母骨猶寒對此茫茫何堪回首悲  
歌當泣遠望當歸四韻吟成聞者將無徹樂噫  
新聲惹起客愁多舊事低徊嘆逝波父老說來真慷慨  
簡編讀罷久滂沱燈前更把梨園照醉裏疑從鶴市過  
節義文章千古在獨憐飄泊聽笙歌

闡豎幾將國步移丙寅年事實堪悲忠良羅織成鈎黨  
奸佞馮依列鼎司矯詔忽傳三市震昌言誰達九閭知  
驚天義憤誅緹騎士氣非常草澤奇

搖落天涯望渭陽離家去國總滄桑西州久隔羊曇路  
北道重看優孟妝三徑無人成宅相一棺有母在江鄉

時先慈柩厝先參藩墓側五十年矣  
是年冬即蒙念因脫驂迎柩合葬  
越來溪上松楸冷

夢繞姑蘇半夜霜  
先舅氏墓在吳山

吾師文行邁前賢私淑先人受業年自昔淵源來絳帳  
於今流落藉青氈侯芭罷掃安陵塚孔鯉徒存闕黨編  
一曲綵雲歌舞散山陽聞笛倍凄然

丙寅立春日志感  
近聞當事為忠介公式間立廟

月建庚寅歲丙寅丙寅日午又逢春永懷天啟六年事  
遙邈吳門千古人碧血有靈添俎豆布衣無賴老風塵  
外家宅相成何自爛醉屠蘇笑此身

贈劉雪舫

浩劫虛空一瞬燿何須多事問蒼天昔人窮達元難定

吾輩飄零亦偶然華屋無非栽黍地青門那有種瓜田  
君家忠烈超千古且醉江湖白浪邊

贈朱雲升  
時余扶先慈柩

嘆息知音少郵筒肯浪傳一朝承刮目千里若隨肩燭  
繼留髧席冰膠訪戴船寸心勞陟屺猶負盍簪緣

贈表弟王鳴九

饑驅難戀闔閭城十七年來賦北征休怪人言傳已死  
偶然天假得餘生慈親久暴風霜骨中表徒牽寤寐情  
今日鄉關重話舊挑燈疑是夢中明

鼓吹鐃歌為交城令趙天羽明府平交山作和宋

何承天朱路篇體原韻

晉陽連紫塞桐葉拱京華羊腸落虎豹鳥道俯煌霞頑  
民伏草莽神宰興戎車父老扶杖觀拭目奏凱歌不用  
天山箭如吹越石笳天時讓笑勝地利歸人和壺漿擁  
赤子戈甲洗洪波膚功收屏翰絃纒頌滿岩阿鷹眼化爲  
鳩春風德澤遐捐俸佐軍實籌國能忘家人言新日  
和宋何承天思悲公篇體原韻

請熊羆領儒衣蒼生革面投戈歸投戈歸頌方叔直搗  
葫蘆聲教服聲教服令五申猩猩狒狒皆良民皆良民  
福星明五原四塞讐先聲讐先聲集禎祥錫馬蕃庶晉  
侯康晉侯康西憂已守險分治駐甲士體憲情碩畫周  
聖主深宮側席求

天涯詩鈔卷四

浮淮集

蔣 楛荆名氏著

丘如升旦菴氏選

甲子孟陬送程坡士之白下下帷

絳帳橫經最少年青燈相望瑣窗前行厨伴食和美美

此別簞瓢獨磬懸

曾同  
筆硯

青簾白舫載琴書笑別江東老蠹魚却掃烏衣王謝巷

追隨函丈課三餘

送程伯齋佐郡襄陽

令嗣赤雯  
從余遊

春風花柳錦帆吹佐郡襄陽悵別離將父好裁靈壽杖  
留賓應向習家池魚軒星集連參昴鳳穴雛多聚革絲

玉樹卽余桃李樹青燈半載擁臯比

花朝丘曙戒太史招集同人送令弟止所北上余

營先慈墓未赴

環堵平居羨盍簪肯逢良會獨哀吟不緣薤露零萱草  
何事花朝間竹林撲蝶自牽浮白興歌驪遙寄踏青心  
丘遲兄弟多文藻指顧春明屬望深

同劉雪舫沈宏度送吳姬望北上令嗣小李翰林

署

入林把臂挹高風落落天涯白眼空正喜臥龍吟澤畔  
誰知雛鳳起雲中君行萬里從茲始吾道千秋幸不窮  
遙憶黃金臺上客西山爽氣接蒼穹

午日壽劉文起進士十六韻

侍母家居時適悼亡

科第君家舊寰區仰令名經傳淮楚宅花寄洛陽城韋  
杜相先後機雲又弟兄千秋金鑑重五世玉珂鳴憶令  
蒼梧去欣隨綵服行艱難當大事來往獨長征盡瘁蠻  
煙墨遄歸鷄骨清南宮俄顛俊東閣待延英且侍北堂  
燕將遷西苑鶯潘輿能養志鴻案却關情慈竹瑤池蔭  
離鸞寶瑟聲不須盆更鼓已羨桂俱榮甲子逢籌轉端  
陽頌嶽生青藜輝太乙綠酒獻長庚晝錦葵榴映天衢  
藻鏡明璣篋看並奏王母樂蓬瀛

曾隨尊人禹度之梧州任扶柩獨歸

巡狩

聖朝漸被朔南清擊壤康衢頌太平殷輅乍從丹扆出

堯封齊望翠華行經過麟鳳隨天步瞻仰雲霓慰物情  
始是宸遊皇極建九重何處問蒼生

封禪

軒轅玉策卜年長受命成功合報章萬歲聲聲來泰岱  
諸侯濟濟會明堂駿奔望秩黃輿動龍德升中碧漢香  
自分江淮茅草質欣逢盛典獻君王

幸曲阜

岱宗闕里鎮崇卑維嶽神生百世師聖學久登東魯席  
天行親舉太牢祠凌霄植檜看龍舞復壁聞韶想鳳儀  
亘古深林無鳥雀五雲今繞萬年枝

甲子九月十九日程念因招同人宴集梁氏園

園主

孀居

闖闖藏丘壑誰開古洞天境疑壺內隱人似橘中仙止  
水涵雲樹高峰眺野船重陽何處展借此共流連  
風雨晨猶閉閒門霽始開梁園無俗客寡婦有清臺隔  
浦花光動空堂樹影來晚涼天更碧返照入深杯  
位置無多地登臨不倦游匠心能仔細天意付清幽木  
落孤亭爽溪迴兩岸秋空廊何所繫宛似一虛舟  
剝啄侵晨露棲遲戀晚霞長林猶帶葉細草尚能花暫  
駐遊人屐終宜隱者家何當移此住閉戶讀南華

巡狩二首

絲綸渙汗發重闢出狩先開浩蕩恩帝賚遍看雙鳳下

子來齊觀六龍尊征徭蠲省桃源靜囹圄空虛黍谷溫  
更羨臣工新晉錫黃雲四出滿乾坤

六合巡行總一家太平 天子問桑麻肯容出警求民  
瘼何用垂旒對物華野老相逢歌擊壤釣翁與語載隨  
車回鑾自此無爲治天馬休教產渥洼

題程叔獻金山圖

爲半百壽

長江萬里流滔滔東下直迎滄海濤望洋漭沆一元氣  
神州於此陳卑高江海交會峰巒起海門一島虛無裏  
及指金焦兩點浮萬山蒼翠接揚子龍蟠虎踞控金陵  
縹緲六朝何處僧蕭蕭蘆荻休懷古願擊鯢魚化大鵬  
江聲浩蕩成今古山色嶙峋歷晴雨誕幻徒聞召石鞭

荒唐誰見射潮弩遐哉岷蜀發源長九派朝宗百谷王  
行過南徐天塹遠欣看浴日向扶桑天水氣機真活潑  
丘山凝峙不可拔莫笑金焦僅一拳中流砥柱江天豁  
絕頂霜鐘杳靄間瓜洲樓櫓潤州山帆檣曉夜風波裏  
浩劫何人肯暫閑高人獨共山靈久漢末徵君今不朽  
玉帶尋常世已傳登臨長嘯頻搔首極目蓬瀛呼吸通  
希夷身世入鴻濛岑山久據天都勝實與金焦聳秀同  
岑山後賢絕塵想丹青疑落仙人掌剪取江山列畫堂  
服官宜作煙霞長甲子新添海屋籌茱萸插遍鳳麟洲  
鳳毛麟角皆天錫琴瑟和鳴十二樓高風自然輕綬冕  
不問蓬萊水深淺五岳囊中且臥遊試將水墨屏風展

黃菊秋高伴設弧長淮為酒瀉方壺仙家歲月江山助  
靜玩江山第一圖

甲子白露賦贈形家汪詹山歸鎮江四首

前年白露繫離情去歲還乘白露行今日送君仍白露  
三回月白露華明

青鳥術妙指牛眠合塋今春甲子年四鶴摩霄觀啟土

身非陶侃幸逢仙先君子於康熙二十年辛酉二月十  
八日卯時塋淮郡城東三里成子莊

尺幅圖成馬鬣封甲山庚向繞青龍西來百雉淮陰郡

左帶文昌第一峰先慈王太君於康熙二十三年甲子  
二月十一日巳時合塋定甲山庚向

此別天涯又憶君楚州明月潤州雲秋空千里遙相望

白露橫江送雁羣

賦贈俞紫隣存齋觀  
察叔

傾蓋知真率相過不厭頻園棊看累日樂酒對芳辰自  
結阮咸社能憐原憲貧越儂作吳語歡笑倍情親

擬和御製賜河工原韻

日湧桃花浪天臨瓠子宮陽侯歸海去河伯望洋窮獻  
瑞黃符應尋源碧漢通小臣勤畚鍤願贊濟川功

乙丑元旦立春喜春禽百轉除夕大雪曉晴  
日光與雪爭潔

旃蒙赤奮好年光甲子初開又一霜大地連宵凝白雪

普天浴日送青陽三微乍結三春彩百舌新調百轉簧

空憶先人通籍歲寒瓊老去負書香先曾大父嘉靖  
乙丑成進士

贈俞存齋觀察十韻時車駕南巡蒙顧問

豐樂三時暇平成六御巡翠華臨澤國清問及詞臣珥  
筆中書省乘槎要路津胼胝勞畚鍤黼黻待經綸咨岳  
都俞切求巖啟沃伸匪躬明試久有道憲章新鶚薦期  
推轂鶯遷合秉鈞南來雲五色北望日重輪爲愛上林  
賦因田渭水濱帝心今簡在早晚到楓宸

和程坡士早春攜尊河北園亭宴集原韻

共探梅信去把酒白雲天目冷孤樓上心空一雁邊開  
園新剪韭近水易烹鮮得句池塘早欣逢謝惠連  
仲春同金遠水濮堯公程左蠡郊遊限園字  
一番冰雪後煙景動郊原遙望翠微寺漫窺金谷園御  
風輕拂面臨水靜忘言薄暮春寒逼歸鴉繞樹喧

聞人說西溪梅花勝鄧尉因憶沈宏度俞修遠

西泠招隱處夢想一溪梅影亂山雲合香飄水月來野  
橋行倚杖官閣對銜杯悵別多春雨天涯望不開

流寓淮濱二十載姻親朋好盛逾故鄉風景未殊  
存亡忽異乙丑三月朔節屆清明回念高漢思  
張虞山黃大宗先後歸土因遠遊愆於執紼同  
金遠水攜盃酒澆墓慨然有作

廿載此逢迎天涯白髮生心喪多故舊腸斷屢清明宿  
草三更夢春風萬古情山陽聞笛賦如聽杜鵑聲

上巳後一日曹山公黃民懷攜樽青蓮蘭若適傅

岳平金遠水不期同集限青蓮二律

菴昔臨西  
湖一碧萬

項自河決後淤土成田香火久已冷落  
惟深柳可蔭感慨係之示含生住持

春光無賴滿郊坰  
禊事初修更踏青  
莫惜典衣尋柳陌  
休教費墨寫蘭亭  
杖藜隨意何須速  
壺豆開懷不願醒  
指顧滄桑彈指換  
乾坤信似一浮萍  
湖光千頃十年前  
忽變平疇萬柳煙  
法界自能開寶地  
化城誰為禮金仙  
舟移南浦桃花岸  
席對東風燕子天  
寄語遠公須結社  
鑿池還種舊時蓮

乙丑清明日掃張虞山黃大宗墓

枚亭圖六子何異竹溪遊

余與杜湘草金遠水丘止所及張黃二子有枚亭六子圖

地下埋聯璧  
人間賦四愁  
但遺彭澤累  
無復茂陵求  
幾度逢寒食  
低徊涕泗流

虞山幼子余婿貧薄無依故及之

初夏同人泛舟晚際遇雨限煙波二韻

徐錦瑞歸自北平

春去故人還相將  
學水仙賒來彭澤酒  
借得剡溪船  
把臂宜連日  
分襟動隔年  
浮雲餘客思  
散作雨如煙

霖霖潤漁蓑  
荒園一棹過  
亭空思舊雨  
水漲憶新荷  
且縱劉伶飲  
休賡向秀歌  
溯洄霑濕好  
留興泛晴波

雨泊止園

偶入劉紫函齋值其兄弟與客持蠹暢飲限字

食指雖然動  
忘機信步來  
果逢湖蟹熟  
何用菊花開  
到手曾無待  
科頭肯便回  
老拳頻破的  
乘興且追陪  
觸手香醪膩  
烹來便不同  
傾筐浮蟻綠  
博帶綻腥紅  
座對忘言久  
盤高轉眼空  
持蠹真快事  
畢卓一生雄

同杜右軍話舊

搖落天涯重盍簪偏于杜曲酒盃深賢兄一去山河邈  
遙指黃墟淚滿襟謂令先兄釋山

閑居新秋雜咏五首

高臥聞叩門驚起不遑息茫然空谷音早已動顏色青  
雲尺素書遺我以赤仄萬慮等閒消秋心馳翰墨寄語  
諸賢豪貧賤易爲德謝劉文起

戶庭無長物寂寞雙槐樹盛夏綠參天新秋碧垂露吾

友最關心得錢卽枉顧沽酒醉清陰不知西日暮黃花

落漸稀密葉爭如故項永錫攜杖頭飲樹下

秋霄日高潔水淨無纖雲城南有滄池渟泓遠塵氛同

人載酒去扁舟盪斜曛共適濠梁興肯驚鷗鷺羣雙耳

何用洗次瀟寡所聞同人泛舟

秋風颭然高授衣竟何日向倚祝融恩饑寒免其一蓐

收今用事漸覺身蕭瑟蒿牀夜無眠寒蛩鳴入室露白

將爲霜衰謝同蟋蟀無衣

秋風落豆花窮巷涼生早索居罕人跡戶庭不待掃蟋

蟀漸依堂露白空荒草萊蕪釜生魚廷尉門羅鳥久客

罄交歡無聞日潦倒

丘籲之大參挽章

淚灑江河聲復吞于今耆舊幾人存滄桑有意留名世  
朝野無緣倚達尊十載宦情堪自問千秋古道向誰論  
韋賢代濟絲綸美仰止清芬啓後昆

懷古空餘四十年渭陽同覓孝廉船  
先舅氏王貞明先生與公同登己卯  
賢登龍屢獻椿庭壽舞象曾窺棘院篇  
淮海鳴珂光奕葉吳門聞笛咽荒煙  
老成凋謝關時代萬感傷心總帳前

十二夜程吹萬齋觀燈

新春良夜高開宴絳蠟千條燈四面  
窗戶通明不透風庭除虛白疑飛霰  
清輝不讓廣寒宮繁華不羨宜春院  
雕梁正中懸寶珠八角流蘇紛貫串  
分明海市湧瓊樓恍惚星河落瑤殿  
上列調羹補袞圖塞門雙耀鵝溪絹  
雜映方圓五色姝霧縠鮫綃相絢練  
最愛輕容墨地空寫生種種當空現  
循牆到處設屏風燿燦周遭十二扇

金碧迎眸是料絲亂躍驚虬激流電  
夾紗相對闐然章花鳥綢繆細如線  
別有名傳百里奚脂韋光奪玻璃炫  
其餘小巧紙玲瓏山水禽魚亦葱蒨  
閒處還看點綴多綉柱迴廊簾額徧  
照過松筠又錦堂冰壺一樣令人眩  
收拾瓊筵換綺筵猛拚玉漏催銀箭  
何用仙人駕彩橋鰲山咫尺遊難倦

上元對月

金鼓從他鬧上元清宵對月坐茅軒  
疎狂敢習漁陽調蕭寂堪邀太乙言  
且自三杯酬令節已曾十日醉平原  
何人不是聞燈去夢到華胥亦省煩

俞彙嘉觀察浙中省墓回淮署

墓在武康有煙霞塢

聞道湖山換眼新，勾留觀察度新春。如何雪夜還移棹，未到花時却問津。草木有緣迎萬乘，煙霞無計伴雙親。宦情自與閒情異，官柳官梅漫笑人。

月夜同金遠水徐錦瑞吳楚源集濮臨園齋限雙魚二韻是日先游河北園亭

高齋春夜宴皓月，鬪銀缸慈竹修堪數。孤桐影自雙興將，詩壘對愁以酒城。降莫逆，厭厭飲疎鐘隔岸撞。悠然濠濮想春水，共觀魚柳陌容閒。步蓬門，慰索居感君交誼，重嗟我世情疎。老去生涯少，銜盃勝著書。

清明日阮鶴緜移尊河北園亭同杜湘草金遠水秦雲九徐錦瑞石紫嵐池亭二韻

一春雨妒雪風欺，騁望郊原步履遲。柳嫩欲教花掩映，泥香須待燕差池。偶逢林麓探幽入，却許壺觴選勝移。此日清明應盡醉，餘寒渾似禁煙時。

四虛雲物面迴汀，榆柳成行列畫屏。萬井衙從開井井，孤亭縹緲立亭亭。夕陽社散靈旂赤，寒食風飄酒幔青。見說布金將改築，重來無復醉人停。

園近屬比丘

丙寅三月二十日金遠水移樽招同傅巽平杜湘草秦雲九阮鶴緜徐錦瑞登隣家小樓看西府

海棠值雨

海棠一樹傍簾鈎，知爲名花特起樓。有酒儘看妃子睡，無詩還愛少陵遊。風來疊舞香猶澁，雨過徐開艷欲流。

盼斷斜暉雲影重胭脂和淚想嬌羞

初夏同杜湘草徐錦瑞吳子美吳楚源釀酒郊園

餞金遠水之齊

壯遊何用別情牽况在齊州九點煙野館穠花堪一醉  
河橋新柳已三眠班荆暫聚行春屐挂席將開上瀨船  
莫戀風塵生計好歸裝早辦買山錢

丙寅六月朔杜湘草生日戲贈卽事四首

堂面東懸雪景

園林初喜主人來好對南山進壽杯似拒狂夫河朔飲

雙扉不復向溪開

時湘草園亭初復

溽暑朝來日便紅華堂綺席正朝東何人不是趨炎客

冰雪高張負畫工

熱酒頻斟未脫衣連珠渙汗不勝揮杜鵑本是君家鳥

簾外聲聲喚客歸

情重何妨待詰朝犧尊麟脯可經宵林泉十畝涼亭上

四面風來暑氣消

丁卯歲首偶成

誤落塵寰六十秋白衣蒼狗聽雲浮江淹夢醒甘投筆  
宗炳年來愛臥遊倖屬天邀難屢試才違世用莫多求  
閒居更願長無事月下花前一醉休

浪跡風塵浪曳裾安貧只合守蓬廬直方處世難爲合

窮賤干人易見疎作傳似宜先貨殖

兒輩有能負薪謀者稍資菽水

生何用及詩書乾坤俯仰存吾道永念劬勞願復初

五十無聞六十來天涯搔首獨徘徊須防老至狂歌遣  
莫待途窮痛哭回戚里漫勞矜衛霍梁園寧復羨鄒枚  
飛鴻笑指冥冥去陋巷春風放早梅  
曠懷輕世一閒身交徧賢豪願食貧久與周旋寧作我  
今知少壯不如人松筠自耐填門雪花柳爭傳動地春  
造物無私行樂富靜觀流轉歲華新

飛來峰

西來得見此峰稀片片凌風尚欲飛昔遇高僧曾指點  
今留名刹竟忘歸泉鳴雪竇流清淺樹拔雲根擁翠微  
仰面貪看心目冷不爭花柳美春暉

南旋哭程次清

喜交方士

別君無一月凶問忽驚傳本學長生術翻催易逝年息  
機應是道回首定成仙拋去諸家說希夷得自然

仲夏同朱雪鴻

謹

錢十青

岳

阮鶴縵

晉

濮臨園

之

榮

方遐只

舟

吳楚源

濃

金受宣

懋禧

泛舟納涼

晚際遇狂風朱錢二子分舟先去余同六人上

野亭觀雨更酌

放棹出荒城風來暑自清漫嫌青翰小還讓白鷗輕飄  
泊憐同調疎狂送此生忽看波浪急世態總無情  
去住各蒼黃風濤送客狂咄嗟分荻岸指顧得茅堂入  
戶驚簷溜推窗透野涼祇緣朋舊廣觸處是歡場

和孔東塘廣陵雨集原韻

雨巾清宴岸綸巾東閣梅花聚德隣江縣不難通縞紵  
水曹何用憶鱸蓴居官頗類陶元亮結客應多鄭子真  
闕里門牆滄海上錫圭齊望憲章新

丁卯秋日和表甥陸儼庭國博哀吟三首

時從京師寄來

哭母詩也

低徊往事正酸辛尺牘傳來愴我神異地得交天下士  
故鄉俱屬夢中人獨能問餽清狂客誰念飄零老逸民  
二紀可憐瓜葛遠又從淮上結朱陳

兩世清風寄冷官如君拔擢亢宗難傳經痛憶昭亭久  
哭社聲驚秋浦寒曾子離鄉誰嚙指潁人舍肉莫加餐  
遙聞卜築牛眠地臨穴哀號土未乾

儼庭大孝墓母時余亦在江南扶先

母柩聞之甚悉儼庭父處實亦教授寧國卒儼庭亦教授池州

昔迎慈櫬到吳門知汝廬居鳳嶺村合葬山中冰雪苦  
孤舟江上水雲昏自傷母氏如無子因念尊人定有孫  
未得束芻躬執紼至今遺恨滿乾坤

戊辰歲首偶成

學易緣知太極尊勞生無奈有乾坤閱殘世變慵開口  
參透人情好閉門故國松楸頻入夢他鄉縞紵屢招魂  
年華擲向風塵老珍重天心子又孫

送方遐汜歸新安省墓

仲春尚清寒出門披敝裘負暄茅簷下君將展松楸徘徊  
不忍別斟酌消離愁草草具蝦菜陶陶忘獻酬念君

能愛我無事閒相求信步必剝啄天機同海鷗烹茶或  
沽酒風雨常淹留君豪我靜遠我放君夷猶相親素莫  
逆分襟寧自由憶昔粵東去日上淮陰樓此行雖不遠  
三春付東流適梁恐未遂儂衰何所投屈指會面遲多  
應交麥秋時余欲遊中州

劉六皆守思南和韻送之

為郎久悵八年別出守今看萬里行自是借公蠻徼重  
休嫌奪我鳳池輕朱轡此去烽長靖白鷺相傳水至清  
獨奈春風修禊後紅亭折柳正花明

葉蒼梧觀察楚中死難慰令姪芥舟廣文

忠孝曲全民寒鉅動鬼神送喪皆白弩羅拜即黃巾獨

盡從容節先歸耄耄親鱸堂猶子在為位哭明倫

夏日同徐松之集葉芥舟廣文齋和張子毅廣文

吳夢凡韻

溯洄溪路杳仰止泮宮深修竹青驚眼高梧碧沁心冰  
衡容物照風雅耐人尋酒賦從茲始無退金玉音

新安方羽君七十生日

軒轅山隔闔閭城幸傍枚臯結友聲千里而遙同作客  
十年以長合稱兄康強君果心從欲潦倒余難指使行  
杖國杖鄉身外事急須把酒慰平生

九月望日同杜八湘草集抱一上人方丈

誤錄在前

重陽已過秋更高身欲奮飛無羽毛割然長嘯問碧落

乾坤何處容吾曹東林禪宿具慧眼招邀爲設伊蒲饌  
舉世應敲飯後鐘此間獨聽齋時板同來白社杜樊川  
愛詩愛書兼愛禪不比酒徒偏愛酒攢眉不肯長流連  
七椀青精飽香積沙彌侍者爭來索筆落煙雲紙亂飛  
頓忘平日籠鵝癖揮毫興罷坐談經余倚匡牀白晝瞑  
忽聞開示神明豁破格留余沾醪醴瓦盆何來歲月老  
一樣提攜斟酌好茶盞權爲鸚鵡杯祇園暫化蓬萊島  
始信圓通大比丘遠公陶令合相求過橋拍手成三笑  
笑趁月圓霄漢遊

戊辰九日丘止所養正招集武林馮山公鹽城劉  
心水姜介脣杜湘草方遐泚山園登高二十韻

金風消雨脚碧漢淨秋毫閉戶登臨少虛庭騁望勞八  
行傳栗里九日聚林臯主是鷄壇彥賓皆兔苑豪杖藜  
三徑出蓮葉一舟操彼岸開圖畫良辰散鬱陶科頭誰  
落帽嗜酒漫題糕半數匡廬社同歌屈宋騷次寥澄眺  
聽名勝歷週遭聞說黃河徙

其地乃黃河故道

閒將皓首搔樓

臺疑吐蜃嶺嶠想浮鼇浩劫何堪問空禪信可逃流光  
爭石火大塊等鴻毛旣把東籬菊還持北海螯達觀宜  
嘯傲乘興且遊遨小憇商飈館沉酣玉色醪郊園收柳  
瘦野寺動蒲牢月冷茱萸渡霞明薜荔袍孟嘉詞倒峽  
孫盛筆驚濤肯讓龍山會須防紙價高

介脣有弟  
共余九人

秋日杜湘草園亭留酌限心字

碧落散秋心秋從何處尋孤亭容嘯傲遠岫隔登臨酒  
向風前勸詩同行裏吟淡交惟爾汝無語也情深

新城懷古

滄桑遞變誰與期螻蛄朝菌夫何知我來淮陰逾二紀  
鄉殊物換星屢移卜居新城類村野坵垣曠土連洿池  
東隣父老向余道此城全盛今非時粉堞初新起百雉  
人煙輻輳如布碁翬飛鱗次陽翟賈輕裘肥馬邯鄲兒  
豈無城南韋與杜鏘金鳴玉聲華垂一朝渠師立藩鎮  
飛揚跋扈生瘡痍革命迄今遂瓦解樓海市安可追  
更聞黃河咆哮西北郭于今遷去漣水潛廢興消長各  
有數曠觀身世歸希夷登陴翹首一長嘯吾欲乘風飛

上扶桑枝

有感歲首偶成

旅燕啣泥苦雛成却覆巢各收完卵去風雨莫相拋

弔劉雪舫

已巳

國破全家殉江湖逸小侯天心旣已忍人事復何求不  
異赴滄海寧同投濁流須知忠烈後無地可存劉

程又庠四十初度却賀南遊

聞君強仕却稱觴早領春風物外翔解舞桃花迎錦纜  
能歌燕子繞牙樁逍遙碧水遊仙境縹緲青山選佛場  
正值三吳修禊後籃輿處處看燒香

同人集嵇南軒季雯兄弟六宜堂和武林馮山公

韻 癸丑暮春尊人守杭州招集湖上是日餅供花不知名

行春太守遡錢唐十七年來話正長  
花發六橋官舫映松深九里屬車香  
偶同月夜吟牛渚休比秋風送馬當  
浪迹西湖叨廣宴登堂回首憶黃堂  
嵇琴同調擅才華四座鍾期對伯牙  
有約共傾金谷酒無名誰辨月支花  
江淮容我開三徑吳越逢君總一家  
白雪陽春原寡和狂歌不覺醉行斜

嘉禾登煙雨樓

拾級凭闌俯翠微人家隔水帶斜暉  
樓名煙雨開如畫湖號鴛鴦望欲飛  
曾訂逢迎五馬渡何妨寂寞片帆歸  
臨風擬效荊州賦落落乾坤曠莫依

時閩紫琳守嘉禾

到淮寄嘉禾諸公

乘興扁舟攬勝來高吟煙雨舊樓臺  
何須更下陳蕃榻一夜長風破浪回  
泛舟餞金遠水之中州  
盍簪初假道吹笛又離亭  
屢折難為柳同飄莫厭萍  
蟻浮千頃綠翰泛一舟青秋水聊容與休教別眼醒

天中前一日丘養正招集河北園亭攜小樂度曲

限簫字 且菴昔字養正

芳園一渡白雲遙山水清音愛寂寥  
解穢莫教頻擊鼓和鳴且試未吹簫  
王郎度曲當新月屈子懷沙在詰朝  
令序最嫌喧競渡何如觴咏此中消

孟思名欽世  
虞山長子  
有同孟思坊  
王元暉詩

仲夏丘養正兄弟招同馮山公毛建平胡天放杜  
湘草何御六張孟思限江字

反騷重賦汨羅江吳越名流集海邦萬疊雲峰明齒齒  
千章夏木綠幢幢談深谷口迎風洞嘯敞樓頭向水窗  
炎日已沉涼月上暑清不藉酒城降

庚午季夏家曙來叔贈長歌招登虎阜賦荅

竹林嗣宗十年長豪吟每作凌雲想不到驚人不肯鳴  
矚目翹鬚成獨往只今春秋七十有三齡傳食英才樂  
欣賞憶昔聚族鱸江濱煙波一葦時問津醉呼星斗來  
仙侶濯足滄浪避俗塵我逼追呼因蕩析季心劇孟何  
從覓踉蹌偶爾得浮佳天縱飄零隨所適男臣女妾望

誰憐擊筑吹簫敢問天高賢刮目爭推解盡室流離幸  
苟全三紀偷生脫虎口養送經營仗朋友聞說桑梓初  
安耕鑿常尺寸先疇復何有蒙尊勸我買歸航異地何  
曾忘故鄉但恐長途來往囊羞澁依舊楊朱泣路傍羨  
尊累去存高興弧近重陽設三徑猶子徒然少十年多  
男悞我翻蹭蹬慙慙爲我謝諸君傲骨支貧迴不羣漂  
泊眼中容白浪艱難胯下出青雲江淮流寓應生色陋  
巷簞瓢參禹稷金石聲高萬古情始信天心祖德非人  
力感尊紈扇寄新詩海湧峰頭最繫思須待子猷張翰  
扁舟便休怪秋風江上挂帆遲

病中賦贈金受宣壻侍尊人遠水入荆南幕

蓮幕趨庭入雁行秋高淮海指瀟湘多慙老驥雙轅怯  
遙羨名駒六轡長女作門楣依玉潤甥爲宅相盼書香  
少年早遂乘龍志莫把才華擲道旁

平居對爾旅懷開稽古論文一把杯不覺近看筋力異  
那能重借歲華來荆南有役將車往堂北無忘齧指回  
嘆我多男期半子壯遊須念獨登臺

秋日偶成四首

中宵風雨急草蟲寂無聲窮居物變早病骨飄然驚攬  
衣啟蓬戶徘徊坐虛清土銜濕雲滿餅壘寒溜盈緬懷  
赤松子辟穀求長生望古聊自慰閉門忘世情風雨不火  
曠望秋氣清信步行郊坰誰家堪小憇攜杖風泠泠對

面忽一笑交臂來忘形坐我茅茨下銜盃花滿庭陶然  
入醉鄉歸路延疎星途遇湘草留飲

緬懷青雲客論交二十載文詞主壇坫意氣傾湖海遡  
昔京華時朝回設醴待玉堂遠瞻雲珂里歸舞綵新秋  
垂問訊不覺歲華改謝丘曙戒侍講

貧賤貪適意始衰復疎嬾謀生無一能才盡文通管杜  
子最相憐不樂攻吾短汎愛慣追尋清尊常引滿芳園  
白露多梧下時爲伴杜湘草留飲

和武林馮子山公背立美人詩十首

咫尺何由見笑顰多應有觸急回身懸知卿是嬌羞種  
莫認儂爲薄倖人燕尾鬢鬆垂後影蓮花步小撇輕塵

無緣轉覺依稀好猶恐相思賦洛神

輕盈月下可敲門似向花前拭淚痕既露全身還却步  
未窺半面已消魂挽成雲髻呼誰問私憶風情對影論  
想像秋波明處轉須防暗裏竊溫存

遺世冷然不可招珮環聲動趁妖嬈錦裙微露鞋跟滑  
珠玑難隨帶尾飄總使有緣能遠喚似曾相識莫輕描  
迴眸一笑傾人國且躡芳蹤覷翠翹

獨立亭亭首未回凭肩敢望笑顏開啼殘隱忍看羅帕  
粧罷慙慙照鏡臺寧送神妃微步去休教隣女捧心來  
避人蚤已知長短中度分明不費猜

逸態如何肯向隅旁觀摹擬得情無貴妃殿角盟星漢  
公主車前送子夫羞澀漫勞重障扇追隨試問可當壚  
私衷休對銀蟾慙女伴潛聽翳碧梧

一捻腰圍束素新不因倩盼顯風神冶容有戒宜防誨  
妙手無緣得寫真羞對號秦諸姊妹願爲邢尹兩夫人  
何由忽覩當心鏡玉掌三翻指月輪

伊人無奈欠溫柔却走難將笑語留嬌妒因誰常反目  
猜疑知我不回頭蛾眉未露啼紅恨鳳侶空牽拾翠愁  
倘值狂且迎面巧一時旋踵費夷猶

顏色知稀壺範尊名家靜女少人論休誇樓上當窗牖  
恥說城隅倚市門終拒使君桑柘陌卒逢少伯苧蘿村  
花容惟有菱花識雁落魚沉孰斷魂

卒音村  
入聲

拂袖翻然似欲行向前何事立盈盈琴挑漫道心相許  
夢想堪憐日未成玉洞桃深難辨色巫山雲斷莫知名  
良宵總把銀釭照繾綣虛通耳畔情  
髣髴膏明墮馬妝音容未接耐思量雙鬟薄映螭螭領  
半臂輕籠翡翠裳露沁落花尋履跡風飄沉水竊衣香  
陽臺尚在虛無裏為雨為雲一渺茫

輓石霞舉仲子

鯉趨何日過庭階獨立空傷問業懷疑是石麟天上去  
那堪玉樹土中埋太丘自信難為弟謝傅曾稱少者佳  
領袖諸生方弱冠修文驚悼滿江淮

夏日御良上人贈詩留別和韻送之

陋巷薰風杖錫過清新詩句類陰何不須雲水憐輕別  
自笑天涯浪跡多

午日睡起口占

睡起虛窗映綠槐風吹金鼓隔城來獨醒不管人皆醉  
午過慵將葦戶開

午日葉芥舟廣文贈酒錢

買醉無錢薄暮休羲皇一枕也忘憂忽驚剝啄來何自  
却累先生破杖頭

夏日晴爽晚坐庭樹下有懷張譙園卽和去年見

贈原韻

時譙園養  
痾杜門

去年江上鱖魚熟折柬招余作伴行今憶文園消渴久

按  
石端霞舉先生  
仲子名日子字聯吉  
生於此年亥巳巳方  
案入已序年十九歲以  
年庚午七月遂卒計  
年則弱冠耳

臨風惆悵月痕生  
靜中易得清新句  
知爾開懷睡起行  
習習薰風天更爽  
紫藤架下晚涼生

辛未歲余年六十四矣觸緒成詩

年踰指使復何營  
摩盪循環易卦成  
所有漸空休更實  
諸無未動莫教生  
飄零久略交遊跡  
貧賤長原骨肉情  
惟念二親羈旅墓  
不封不樹幾清明

辛未閏七夕曲江樓宴集分八齊

河鼓逢秋閏江樓  
逼漢齊人間杯共  
把天上手重攜前  
度林鐘杪今來大  
火西頓驚時序改  
肯爲合歡迷會近  
無多愬離輕不復  
啼經年憐一聚匝  
月喜雙樓僕僕勞

靈鵲遲遲感曙鷄  
涼深珠露重夜永  
玉繩低故事留添

巧新詩好續題壬申傳李什今日集東溪

李義山有壬申閏七夕詩

閏七夕臥病戲謝敏公招

秋期逢閏最關心  
况值名流訂盍簪  
奈我支離空曬腹  
讓君好合伴穿鍼  
懸知天上明河冷  
已覺人間夕露深  
碧落高寒重會處  
殘粧曉別恐難禁

新秋陳岵瞻將軍同令弟嘉令招同秦雲九何六

吉月下泛舟

綸巾羽扇照溪清  
把酒開襟放棹行  
官閣近留何水部  
仙舟分載孟雲卿  
風飄絲竹滄浪遠  
月照陂塘絡緯鳴  
序接新秋鏡吹肅  
不妨橫槊賦三更

九日同丘旦菴登淮郡東南城古蹟相傳爲風雨

驟過尋花而返

東南雉堞類孤峰傳是隋唐馬鬣封閭闔風高回落雁  
滄溟雲起挾飛龍白衣縹緲人蹤絕皂帽飄零客髣髴  
忽值登臨煙雨過更尋籬菊采芙蓉

和張譙園臨卒原韻輓之

瓊樹泠然物外情相逢未久見平生玉樓此去秋空  
筆吐珠璣列宿明

江上鱗魚動客情招余折簡墨花生只今座右時相對  
老眼婆娑看倍明

浮玉新詩寫性情扇頭持贈惠風生江山如畫人朝露

淚灑南天一水明

彭殤看破可忘情二十三年送一生獨念西河天性篤

清秋含淚直承明尊人毅文翰林在朝

鷄壇三世締交情愧我飄零白髮生乍與忘年消渴久  
誰知此別隔幽明

暮秋過抱一上人方丈小飲因憶湘草閣歸

老去交遊冷周流到上方乞隣留薄醉開牖放斜陽朔  
雁迷離影寒花仔細香甌闌旋返客何日渡錢塘

壬申嘉平賦贈萍樓上人姓謝雅士也中年出家

浩劫付滄溟浮生類一萍能禁頭漸白留取眼長青冰  
雪堅僧臘雲霞護客星天涯三十載結契已忘形

儒釋理應齊青山謝朓棲鼎彝仍拂拭絲竹罷提攜莫  
道歸蘭若還須賦簡兮逃禪余不愧學得醉如泥

留別武陵馮山公邵越森俞楚材沈方舟諸子

興盡浩然去湖山無計留永懷二三子惜別一孤舟老  
奈貧添病客驚冬餞秋會攜千兩展賈勇待春遊

賦謝邵越森贈稿及家釀

把杯漱芳潤開卷挹春華湖墅驚文藻風簷妒筆花何  
期傾蓋得不慮盍簪賒貯望青門外同看五色瓜

壬申秋七月中澣贈丘養正

楚岡韞寶玉粵浦涵元珠珠明玉潤在山澤休誇連城  
照乘傾五都千秋所重真知己囂囂附和皆凡夫天涯

徧識佳公子曾似王家少者無遺書奕葉石渠閣弱冠  
居然推大儒先公江漢龔黃績伯仲鸚鵡班馬趨名高  
第五並驃騎西堂入夢生春蕪一門元愷好兄弟火攻  
安用強周謨經明卽起貢廊廟青雲咫尺登天衢風塵  
屈節飄零老謂是狂歌痛飲常人殊狂歌痛飲世爭誚  
何事西園虛左召誰知狂歌直喚古人臨痛飲天空特  
埋照土木形骸冰雪心芻狗乾坤鳳鸞嘯去聖神揮郢  
匠斤奏刀默中庖丁竅春來瀕死苦頭瘍腦後纏綿不  
易療多君參苓絡繹共醫來黍谷陽回寧意料感君賞  
我直繩心恤貧敬老憐同調與者不驕受者安知己干  
秋成一妙正平文舉結忘年當期范式交張邵但余坦

率更疎慵語恥雷同性孤峭願言努力保初終請看松  
栢凌雲嶠蘭秋喜屆懸弧辰一闕清歌供一笑從此黑  
頭公輔轡方長共羨終軍志大春秋少

壬申秋日贈何崑孚觀察

西園翰墨點朝班甲第人稱大小山簡在銅符由虎觀  
書留玉軸動龍顏翱翔閩越流膏渥鞅掌牂牁著績  
艱馳驛卽登觀察重紫袍曾映荔枝殷

藩參兩浙聽潺湲高度仙霞萬仞關東閣喜來何水部  
西湖重見白香山粒輸鸚鵡倉箱實風送舩艤案牘閑  
廡下阿蒙遙企慕扁舟擬載頌聲還

壬申仲春余腦後患疽瀕死適漢符姪自故鄉來

周旋半載始愈孟秋南歸詩以送之時余亦將

南遊

病劇花時皓首迷天教湘子看昌黎不須嘗藥煩兒輩  
無復連牀喚老妻生死半年魂欲斷彭殤一壑理應齊

疽小愈痘殤一孫男兩孫女新秋別汝還相訂叢桂香生會白隄

和劉麗宮七十自壽原韻十首之一 舊名綦字履公

一別名園三十年擘香五畝尚依然喜今秋老山山爽  
憶昔春濃樹樹妍家釀提攜留客醉池魚潑刺勝江鮮  
天台本是劉郎住自合長生不羨禪

癸酉正月十九日崔西琬宴集同人有臘梅水仙

作供限梅仙二韻

昨夜春山入夢來，暗香疎影共徘徊。自憐紙帳孤飛蝶，忽伴瓊筵六出梅。病後劉伶仍荷鍤，年衰陶令更貪杯。交深爾汝忘懷慣，四坐雄談笑口開。

六橋文浪五湖船，到處逍遙學水仙。今日對花如舊侶，去秋漂梗又新年。宴逾元夕傳柑後，節近中和拾芥前。珍重主人情爛漫，夜深醉上筍輿還。王申余遊吳越

五月三日同人宴丘養正兄弟於陸氏水亭值雨

晚晴歸和少陵丈八溝韻二首

平原留別墅，枉道宴丘遲。顧兔生明夜，飛鳧競渡時。池寬開藻鏡，風急捲蓴絲。農事關天意，同吟喜雨詩。

斜暉拖雨脚，飛電隔雲頭。共起凭欄望，遙牽盪漿愁。蛟龍尋出沒，魚鼈聽沉浮。坐客添絺綌，冷然又麥秋。

酒隱軒竹下和養正新篁二韻

遊日當初夏，郊原萬綠新。蓀橈來古渡，竹院對幽人。直節抽牆過，清陰覆檻勻。傍簷風醒酒，况復見冰輪。新筍出修篁，成竿分外長。苔滋承落粉，葉嫩帶微香。翠袖嬌堪倚，青琴靜更張。七賢誰不愧，且共醉霞觴。

同丘養正放舟之維揚

秋水拍堤平，船頭放眼明。煙村低萬井，雲樹壓孤城。踏藕人聲沸，開篷客嘯清。莫嫌鷗鷺喜，飄轉足浮生。

端陽前二日同丘養正放生池泛舟登溪亭宴集

值雨晚晴回舟

滄池疏鑿何其雄其下疑有蛟龍宮百頃渟泓浸百雉  
雙橋天矯飛雙虹孤嶼波心蟠水府莊嚴寶閣凌霄觀  
梵宇燁林指顧分女牆帆影聯翩數水僻堪移畫舫停  
又尋勝處得空亭攜朋載酒同登眺節近端陽任醉醒  
是日雲峰忽遊戲舉頭咫尺陰晴異雷電初從西北興  
遙看雨脚紛垂地此時斜暉猶在天溪風已滿綠楊煙  
須臾霆擊鯤鵬徙差喜池無競渡船浪花亂躍灘聲激  
因念江湖多彩鷁青娥難顧石榴裙綠蓑故弄滄浪笛  
把酒開襟散坐談一鈎新月指初三詩篇自是千秋事  
珍重良朋此盍簪

癸酉暮秋哭胡天仿先生

一號棟居

孝廉今碩果韋布久飄蓬自結忘年友俱成遞世翁仙  
遊逾耄耋道在歷窮通遺墨藏心史千秋苦棟風

先生崇禎

壬午孝廉高隱棟居

仲冬金遠水從北平之荆南假道淮陰一到家卽  
行送別二首

相逢只是唱離歌歲月滔滔奈客何我已忘情重邂逅  
君還乘興一經過室家久付浮雲外車笠空牽舊雨多  
珍重樽前知己話卽看冰雪滿關河  
老去那堪但別離十年名利一何遲與君驗取真情性  
無復簞瓢陋巷時

癸酉歲暮偶成

老去交遊冷貧來剝啄稀攤書捫虱坐伏枕聽鴻飛商  
陸須添火嘉平更典衣小窗西北向日日盼斜暉

題鄭破水梅花小照圖

子真棲谷口慣作冷生涯夢破三更月神清五出花攤  
書忘寤寐隱几對橫斜水墨開生面詩中有畫家

甲戌春集雨香菴贈澈源致中二上人

時鐵夫上  
自江南來

春風吹入雨香菴正設伊蒲不放叅旅雁未曾歸塞北  
高僧何事別江南遊殘山水收心坐賦就煙霞抵掌談  
我亦忘機行脚者好拋長鉢伴瞿曇

甲戌暮春同人拜劉伶墓宴集臺下

張敏公攜尊  
同馮山公杜

湘草蔡璣先嵇南軒季雯吳楚  
源徐錦瑞崔石渠張安侯拈韻

東郊荷鍤拜劉伶長醉春風不願醒百尺臺荒沙更白  
一杯墓古草猶青同來淮海成流寓遙指彭城是客星  
吾輩形骸元土木狂歌何用歎飄零

詠落花

東君卒歲費經營一夕枝頭斷送輕共指飄風應有恨  
誰知流水更無情池魚唼去香初淡巢燕銜來色尚明  
無可奈何留不住郊原處處綠陰生

終古繁華一瞬休千紅萬紫總關愁何妨點點窺人面  
爭奈紛紛擁陌頭芳草相依斜日映晴絲試捲暫時游  
顛狂莫笑無情絮化得萍兒水上浮

送鐵夫上人焦山住靜兼訂後期

此地隱焦先徵君字孝然雲藏終謝漢露處類成仙欲  
作中流柱須尋彼岸船師行余嚮往不用買山錢  
江濶看杯渡山高聽錫飛得偕初地住殊勝故園歸浩  
蕩銷塵劫鴻濛養道機願爲猿鶴伴此別暫相違

甲戌四月八日同嵇南軒戴唯一西洮兄弟暨馮

山公吳楚源宴集毛彥超堂中看牡丹

穠艷當庭宿霧收堂開畫錦快春遊曾傳學士吟清禁  
不羨名妃倚玉樓色奪霓裳風舞亂香生綺席月華流  
年年穀雨簪裾集可惜芳時近麥秋

毛鴻賓畫  
錦榮齋

甲戌四月九日嵇南軒戴唯一西洮兄弟邀同劉

子儀馮山公吳楚源毛彥超集故友謝雲倬堂

### 中賞牡丹

東君花事趁流輝開到花王便索歸選勝攜尊忙宴賞  
呼朋授簡戀芳菲青蓮醉入沉香咏紫燕嬌臨太液飛  
共對堦前紅藥舞何人不憶謝玄暉

甲戌四月十一日陸去肆邀同人集牡丹花下限

### 肥字

燕乳鶯啼春欲歸宴遊隨處得芳菲良辰不覺因花勝  
名種何須待雨肥自昔傳來天寶重卽今數去洛陽稀  
莫將領國新粧比文采風流是陸機

甲戌前端午解嘲

是歲閏五月

薰風滿院日華高午夢醒遲首重搔隔水遙聞喧競渡

當窗獨坐檢離騷。端陽總閨嬉遊懶。片月將弦盼望勞。  
解事葵榴無俗態。不教花笑菱荷袍。

和及木齋端午五十自壽原韻四首

蕤賓逢閨壽。盃寬共把葵榴次第看。余生二君正端陽十四日

添續命余將下澣。強追歡。有強余慶開生日者違時不復因人熱。

守分焉能免士寒。南史劉祥對褚淵日安得免寒士惟有文章千古事。

須教字字重瑯玕。

撻金伐鼓沸淮雲。斗室稱觴競渡聞。天竺齋近水且讀離騷。

追屈子休誇市義慕。田文馳驅盡屬玄駒夢。飲啄何如。

白鶴羣羨昔磯頭。棲隱處江山今古望中分。及向寓燕子磯弘濟寺

五十知天道已明。相看應動故鄉情。于今彈鋏憐同調。

天涯詩餘鈔

蔣 楛荆名氏著

丘如升旦菴氏選

一痕沙 和杜湘草

飯後偶然閑步。便上扁舟一渡。到了杜家園。笑聲喧。

說道風光可意。恰有新詞相寄。春興果然同。到園中。

鵲踏花翻 太宗庭月小餘是歲閏三月

閨月餘春新晴好。景園林信步尋花柳。笑來又是清明。

少箇風箏還須飲箇醪。酒總然不入打毬場。如何閒。

却傳盃手。大斗快暖吾將濡首。雲根雜坐流涎久。廊

下鑪火初紅。庭心月上。傾瀉長鯨口。清光一路送人歸。

諸君酩酊誰先後。

蝶戀花風入松二調

為陸咸一題  
學壽題小照

蝶板雙飛榴吐火花取宜男細草承跌坐石丈玲瓏蒼  
蘚裏來朝端午君知麼太液池頭移畫舸競渡中流  
上壽齊虛左觀水亭前仙獻果宮衣當暑傳青瑣

風入松

一丘一壑五株松江上羣峰耆英滿地清風遠杖鄉年  
懶策孤筇緱嶺仙人招鶴函關老子猶龍七閩旗鼓  
峙文宗淥水芙蓉隼旟熊軾將分陝且逍遙女樂歌鐘  
南極蒲尊香滿北窗梅雨陰濃

朝中措

題平山堂和  
文忠公原韻

天開眼界立虛空身在畫圖中雲淨細分山色酒酣遙  
邁江風放懷名勝人人笑我醉態龍鍾木落時逢樵  
客水清不見漁翁

如夢令

六月二十四日侍先大  
人集大宗止園觀荷

翠蓋亭亭承露一點曉紅初破風送滿溪香隔岸蘭橈  
無數何故何故不見凌波微步

西施

黃家亭子面東溪一帶綠楊堤割池栽藕葉葉隱花低  
奕茗提攜亭午凭闌倦任風過香迷故鄉此日蘭橈  
動遊荷蕩錦帆齊驚飛鷗鷺歌吹畫橋西誰道吳儂綠  
筆追涼罷更醉吐虹霓

解語花

是歲苦旱

茶消殘夢。暑減斜陽。四座雲峰起。揮毫落紙。烏衣燕掠。翠穿紅。不已。行吟徙倚。似浴罷新粧。鏡裏勸碧筒。頻進壺觴。雪藕調冰水。那得雨來一洗。使明珠傾瀉。亂躍魴鯉。歡騰耘耔。陂塘靜。蕭瑟煙波歸止。日長若此。又早散餘霞如綺。映芙蓉。分外澄鮮。笑農愁花喜。

春從天上來

乙卯人日大  
宗招集止園

人日題詩。看水榭風亭。賓客參差。名園良會。分韻填詞。相逢笑語移時。笑七人八穀。九屈指。春到何遲。共登高。見連雲雉堞。浴日龍池。樓閣山巔。綠勝上曉岫。春星一望天涯。西北狼煙。東南羽檄。四方多少歡悲。喜同人

三十連吳越。盡是親知。把金卮。盤行白玉。菜送青絲。

喜遷鶯

第三體長調賀西樵  
新遷兼送公車北上

公車將發。早出谷遷喬。仲冬圓月。天竹紅垂。蠟梅黃放。間以翠松蒼栢。更喜隔牆隣樹。春到便聞鶡鳩。攜綵鳳。看天邊參昴。座中琴瑟。周拆下聽山堂。又向龍窩別。西閣春雲。東湖秋水。入夢依然清切。此去長安得意。出入鳳城宮闕。新庭院。待泥金報喜。牡丹時節。

沁園春

丙寅春日傅巖平移尊杜湘草園亭  
同張廣平項永錫金遠水吳楚源集

真率壺觴。現成丘壑。不羨芳菲。但長松古栢。經霜換翠。初桐新柳。得雨爭肥。剩水殘山。鵲巢燕壘。嫩草鋪茵。蝶亂飛。天然趣。笑無情桃李。瞥眼都非。孤亭與世相違。

想老杜當年捉麈揮。看高軒題額，銀鈎婉轉，良朋抵掌。  
玉屑霏微，胷盪煙雲，日窮霄漢。俯視韶光，徧九圍拚酌，  
酌信繁華如夢，一任春歸。亭名揮麈最高園最曠眺望最遠

海棠春

丙寅三月二十日金遠水移尊同傅巖平  
杜湘草秦雲九阮鶴緱徐錦瑞集隣樓看

西府海棠  
棠值雨

星眸乍睇芳心歛。春睡足絳唇初點。枝上早蜂稀，檻外  
浮雲滄。一番細雨輕風颭。似出浴名妃嬌閃。最巧是

天工齊把胭脂染。

春光好

杜湘草金遠水徐錦瑞  
吳楚源遊河北園亭

紅日麗，綠波新。問津人。一帶雲林圖畫，沁園春。點點

梅粧墜粉，絲絲柳麴拖塵。踏遍青青河畔草，負花茵。是日

無酒  
故云

夏雲峰

郊園宴集  
值雨晚霽

夏雲峰。當綠野。千疊秀出芙蓉。黑處催詩釀雨，驟灑筠

松。四虛亭子。游目曠。中有飛龍。瞬息笑風回虹。見日高

春。晚涼移席從容。且沉醉。白衣蒼狗無蹤。散作餘霞

如綺。映徹金鍾。蜃樓誰見。依稀是海市。重重回去也。何

來皓月。但聽疎鐘。

長相思

郊園宴集

花一村。柳一村。綠絲紅紅映酒尊。春風煙外昏。出柴

門。望柴門。醉倒天桃野樹根。斜陽空斷魂。

瑞鶴仙

題杜家  
行樂圖

杜康真吾友喜左癖無雙。排行第九。翩翩愛花柳。曾鏡  
帆樓上。青帘賣酒。留賓大斗。醉竟日。都忘卯酉。不多時  
喫盡糟丘。步下樓來洗手。還有閨幃釵釧。篋笥裳衣。  
可容當否。重開笑口。酌抖擻。濡其首。畫師來圖寫。四時  
行樂。帶向天涯走走。便逢人題滿笑囊。千秋不朽。

蘇幕遮

郊園看梅移  
席卽事二調

荷輿輕。蘭棹小。一渡煙波。五畝松筠老。着意尋梅梅尚  
早。風冷雲寒。不許春知道。野亭空。遊展巧。載酒西園。  
樂事多顛倒。剩水殘山。何處好。畢竟君家此地。梅花少。  
玉龍盤。金鳳小。曉踏芳園。不怕紅顏老。賓主回車須趁  
早。一棹壺觴。別遡清溪道。徑乘虛人。奏巧。花冷斜陽。

細把山尊倒。醉眼橫空。明月好。遙想凌波。墮珥知多少。

滿江紅

九日曲  
江樓

江曲樓高。登高處。城頭雨歇。臨檻望。煙波雲影。魚梁雉  
堞。采菊共過楊柳岸。題詩尚有梧桐葉。嘆東南。鷄犬半  
無家。樓船接。羽書急。飛汗血。須痛飲。重陽節。願江淮。  
長似洞天仙闕。載酒曉催鸚鵡賦。窺園夜宿藤蘿月。佩  
茱萸。醉裏更關情。他鄉客。

又

爲張鞠存  
吏部壽

淮海秋高。登樓望。雁行如織。天氣好。月當重九。花開正  
色。竹葉擎來。嫩乍紫。茱萸插到頭。還黑。看鳳凰池上。鳳  
毛新。琅玕食。松筠嶺。翻彩翼。書畫舫。釣青鯽。想蒼生

望重起匡王國。畢卓林間詩。酒與山濤天上銓。衡職報  
懸弧縹緲下灘飛。雙鷗瀟。

又題黃天濤琴怨  
為其愛妾作也

箏響如琴。東風裏。分明寫怨。何處是。白雲青塚。桃花人  
面。鹿女臺生芳草。夢玉鈎斜長。垂楊線。又灑天飛下一  
雙愁。紅襟燕。紙錢挂林蝶亂。鮫淚灑盤珠散。早新煙  
細雨。杜鵑啼遍。茶藕賣交寒食。棠梨開到清明。賤盼  
春魂不返。馬嵬坡三年半。

又題吳遠度  
畫竹手卷

暮雪樓高當窗把竹村情話。纔開卷。氤氳潤離奇光  
怪。萬壑煙嵐晴釀雨。千層浪。風奔湃。謝山靈拂亂此

君身飛騰快。托泉石餐坑漉。儘蕭瑟。各枝派。到柴門  
流水。茅茨接界。繫纜溪頭張翰舫。班荆樹底下。維嵒展  
完時。簷積六花多神遊畫。

又郊寺  
贈僧

河漢秋清金風滿。香林寶地。慈航渡。煙波彼岸。晴雲野  
寺。飛錫早傳東土教。折蘆好問西來意。啟禪關。四望是  
樵漁。天然致。青絲履。涉淮泗。白氍帽。生幽冀。想南亭  
何似。此中高寄。水菡萏開蓮九品。木芙蓉發花三醉。任  
魚龍聽法到滄池。門無二。

又戲贈御  
者姚郎

路熟車輕。兩人坐。兩人馳驟。輪一箇。伊啞格頓。往來輻

輾脚捷臀搖肩背定氣衝汗濕衣裳透嘆轆轤浩劫幾  
時休空消受勤樸斲新還舊戒傾覆前和後駕牛羊  
鹿馬無非用獸憐爾一身爲服御嗟余半世徒奔走問  
桃源何處謝風塵深耕耨或次品木芙蓉發於三朝子  
題孫無言  
憶江南半瓢居  
西江水斟酌也無多星轉夜涼餐沆瀣天空人靜醉燵  
波斗室舞婆娑蘇香林寶叔送旅次對菊詩

又

西江月照入半瓢來顏子巷中還一箇許由風裏忽分  
開杯飲興悠哉梁簡文帝詩

漢高祖本紀第八

田家耕饁慣相從此日翻尋老婦蹤雷電滿陂方入夢  
休將冷眼妒交龍

親老無成不顧家乾坤何物是生涯未央前殿如淮酒  
共倚天顏笑語譁或次品木芙蓉發於三朝子

咸陽宮闕負青天流水游龍警蹕傳入眼尋常何足慕  
丈夫七尺豈徒然或次品木芙蓉發於三朝子  
負媪壚頭不用酤常留醉臥見龍雛雄心自在雲霄際  
酒色何能誤丈夫或次品木芙蓉發於三朝子

相逢忽與約婚姻隆準何曾信故人不是呂公偏好相  
大言誰動滿堂賓或次品木芙蓉發於三朝子

慷慨中宵解送徒斬蛇開徑醉長驅哭兒老嫗誰人見  
應似陳勝卜鬼乎

亡匿無過芒碭間每依雲氣輒尋還始皇正向東南望  
欲脫還須早入關

天下何人爲發喪獨先縞素哭懷王一言已奪重瞳魄  
從此中原鹿未亡

故舊相逢酒一杯筑聲初起和歌來白雲飛盡秋風暮  
煙景猶然繫夜臺

呂后本紀第九

長樂宮中骨未寒忍將人斃逼兒看威加四海猶遺恨  
妒婦由來欲制難

天子猶然不姓劉何妨諸呂擅王侯一軍左袒真天意  
六乘爭迎九月秋

軍居南北勢縱橫此日深謀仗老成誰道門楣幾化國  
呂公不愧相人名

孝文本紀第十

六乘龍飛過渭橋羣臣鵠立聽鸞鑣漢家始見中興主  
二十餘年雨露遙

孝景本紀第十一

孝文支庶視淮南中子由來入繼堪况是天心在田竇  
枉教前后有三男

漢家文景比周初景帝三元恐不如

前改元七年中改元六年後改元三

魏明宮置大蝗年

二十餘年所殺甚

多身即災也所謂蝗年也

天子降詔求其所以除之者



